

四庫全書

史部

欽定四庫全書

史部

御定寶治通鑑綱目三編卷三十九  
四十

詳校官編修<sub>臣</sub>錢樾

編修<sub>臣</sub>裴謙覆勘

總校官舉人<sub>臣</sub>章維桓

校對官助教<sub>臣</sub>周 鉉

謄錄監生<sub>臣</sub>劉 恒

欽定四庫全書

御定通志通鑑綱目三編卷三十九

起於宋明莊烈帝崇禎十六年  
凡二年

崇禎十六年春正月李自成陷承天前巡撫僉都御史宋

一鶴等死之

一鶴既死承天與前留守沈壽崇鍾祥知縣蕭漢登  
陣禦守五晝夜聞賊燭戲陵漢突圍出救賊騎環之  
漢大呼曰祥今在誰賊驚陵寢者賊挾之去不殺說  
降休聽城中人有通於賊者開門延之入城遂陷一  
鶴遂將及縣官從所高階死分巡副使張鳳肅走入  
山中賊拘漢僧寺謹視之求死不得乘守者懈乃自

劉賊分兵旁掠潛江京山雲夢黃陂孝感等縣皆陷  
雲夢知縣譚吉臣署黃陂知縣夏統春潛江鄉官歐  
陽燧孝感鄉官程道壽死之賊前鋒逼漢陽轉攻鄖  
陽按察使高斗樞赴擊王光恩力守乃解去自成遂  
據承天自號奉天倡義大元帥號羅汝才代天撫民  
威德大將軍分其衆曰標營領兵百隊曰先後左右  
營各領兵三十餘隊五營以序直晝夜次第休息巡  
徼嚴密逃者謂之落草磔之收男子十五以上四十  
以下者為兵凡精兵一人從以主芻掌械執轡者十  
人軍令不得藏白金過城邑不得室處妻子外不得  
攜他婦人寢與悉用單布幕綿甲厚百層矢礮不能  
入一兵倖馬三四匹冬則以筒褥藉其蹄剖人腹為  
馬槽以飼馬馬見人輒鋸牙思噬若虎豹單止即出  
較騎射曰站隊夜四鼓蓐食以聽令所過崇岡峻坂  
騰馬直上水惟憚黃河若淮泗涇渭則萬衆翹足馬  
背或抱鬣緣尾呼風而渡馬蹄所墮間水為不流臨

陣陣列馬三萬名三堵牆前者反顧後者殺之戰久  
不勝馬兵佯敗誘官兵步卒長鎗三萬擊刺如飛馬  
兵回擊無不大勝攻城迎降者不殺守一日殺十之  
三二日殺十之七三日屠之凡殺人束屍為燎謂之  
打亮城陷步兵萬人環堞下馬兵巡徼無一人倖得  
免張獻忠雖至殘忍不逮也諸營較所獲馬贏者上  
賞弓矢鉛銃者次之幣帛又次之珠玉為下自成不  
好酒色脫粟粗糲與其下共甘苦汝才妻妾數十被  
服紉綺帳下女樂數部厚自奉養自成嘗嗤鄙之汝  
才眾數十萬用山西舉人吉珪為謀主自成善攻汝  
才善戰兩人相須若左右手自成下宛葉克梁宋兵  
強眾附有專制心顧獨忌汝才乃召汝才所善賀一  
龍飲縛而殺之晨以十二騎斬汝才于帳中悉兼其  
眾自成在中州所掠城輒焚燬之及渡漢江謀以荆  
襄為根本改襄陽曰襄京修襄王宮殿居之改禹州  
曰均平府承天府曰揚武州他府縣多所更易又以

牛金星言設官爵名號以田見秀劉宗敏為權將軍  
李嵩賀錦劉希堯等為制將軍張鼎黨守素等為威  
武將軍谷可成任雄榮等為果毅將軍置五營二十  
二將上相左輔右弼六政府侍郎郎中從事等官要  
地設防禦使府曰尹州曰牧縣曰令封崇王由積及  
郡王被執者俱為伯官吏降者並受偽職偽侍郎喻  
上猷薦所知李開先陳萬策賢可用具書幣徵之開  
先觸牆死萬策自經自成既殺汝才一龍尋又謀殺  
蘭養成奪馬守應兵于是十三家七十二  
營諸大賊降死殆盡而自成獻忠獨存  
質實  
西魏  
析安陸縣置明屬德安府今因之考感後唐置明屬  
德安府今改屬漢陽府黃陂高齊置明屬黃州府今  
改屬漢陽府宋一鶴先以襄陽陷奪職戴罪一鶴連  
疏引疾下所司核實許解官候代未行及于難沈壽  
崇宣城人都督有客子忤巡按劾罷亦未行滿漢字  
雲潯南昌人從所尚鍾祥人官刑部主事與子士默

士熊皆不屈死。諱吉，臣南昌人。夏統春，桐城人，為黃陂縣丞，攝縣事。遷麻城縣知縣，未赴，賊攻城，督衆拒守。凡十五晝夜，賊忽解去。統春度賊必至，而衆已疲甚，休于家。閏五日，賊果突至，城遂陷。統春巷戰，力竭被執，欲屈之。統春指賊魁大罵，賊怒，斷其右手。復以左手指賊罵，又斷之。罵不已，乃割其舌。目怒視，皆欲裂。又剜其目，猶以頭觸賊。遂支解之。歐陽遂官，盱眙知縣。歸里，賊陷潛江，被執，與妻廖氏同殉。節程道壽，嘗為來安知縣。賊陷，孝感感置掌旅守之道壽，結里中壯士擊殺掌旅。賊復至，杖之繫獄。令為書招程良，籌道壽曰：「我不能助良，籌滅汝骨。」助汝，耶遂見程良，籌字持卿，孝感人。工部尚書註子也。與同邑參政夏時亨築壘于縣境之白雲山，以禦賊。賊使說降，良籌毀其書，賊怒，設長圍攻之，相持四十餘日。解去，既而漢陽武昌為張獻忠所陷，四面皆賊。獨白雲孤處，其間賊頗患之。良籌復號召左右諸寨，與官兵犄角，進

兵恢復孝感雲夢進薄德安兵敗退保白蓮寨寨中人素通賊為內應良籌遂被執說降不屈羈之密室尋左良玉遣將攻德安賊懼擁良籌令止外兵不從適良籌偕行又不從遂被殺崇王由橫脅授偽職為襄陽伯令諭降州縣之未陷者不從殺之于泌陽城喻上猷石首人嘗為御史李開先陳萬策皆陵舉人本朝乾隆四十一年進諡蕭漢忠烈宋一鵬沈壽崇謀吉臣夏統春烈愍從所尚歐陽璣程道壽程良籌節愍李開先陳萬策入祠其時紳士遇賊被害者又有汝寧照磨張大道雲夢生員袁啟觀安樂生廖應元並予入祠張大道宜都人家居流賊據宜都大道圍練義兵二千餘人攻城為賊所罷父子五人俱力戰死袁啟觀廖應元皆結寨禦賊賊攻破之應元以罵賊射死啟觀俱死

二月乙丑朔日有食之



賊陷武岡州殺岷王企鰲

賊黨馬守應陷澧州窺常德土寇甘明揚等應之攻破武岡州縱掠岷州岷王企鰲遂遇害生員袁承孟率子夢麟督鄉兵剿之為賊所虜投潭水死夢麟戰殒先是湖南土寇有飛天王江長子洪老穀者橫行湘鄉安化益陽寧鄉間犯湘潭長沙總兵尹先民合兵剿之戰桃花江陣斬飛天王俘江長子洪老穀溺死賊悉定而臨武劉新宇藍山李荆楚復大熾謂之臨藍賊據山寨納亡命同出犯常德衡州圍桂陽州先民率裨將貢王猷土師譚仰庭來援圍始解尋以二百餘艘由衡湘犯長沙攻十餘日不克乃引去轉攻袁州直逼永州將由東安水道闢入廣西于是合湘廣廣東廣西福建兵會剿沅撫陳睿謨檄先民將主客兵萬五千人討劉新宇敗賊銅梁橋用計縛新宇誅之餘賊推新宇弟秀宇為主嬰險阻以拒官軍

官軍四路奪隘入直抵其巢擒秀宇廣東廣西福建兵分道入藍山藤本夥輜不得進遂縱火焚之東烟而上先後殺賊首曾戒奴郭子奴等李荆楚就縛臨藍賊平而諸盜時竄發患不得息及是竟隔岷藩勢張甚巡按御史劉熙祚馳擊甘明揚于常德破其衆斬明揚方還兵長沙而張獻忠已臨江欲渡湖南大震矣是時流賊吳兵十五六年蹂躪天下獨浙江江西福建廣東廣西未罹其患顧常忠土寇江西有九連山賊攻掠贛州之龍南定南惠州之和平潮州之平遠廣東有羅岡賊張惟元流擾程鄉及福建之上杭武平清流偕號永興稱為王而浙江則有許都之亂許都者東陽諸生副使達道之孫家富任俠好施陰以兵法部勒賓客子弟思得一官紹興推官陳子龍常薦諸上官不用會有義烏奸人假中官名招兵者都無與也東陽知縣姚選本利都所有文致都求略不應都奔母山中會者萬人選本告監司曰都

反矣遣役收捕之送莖者大噉遂裏帛反號白頭兵  
旬日間聚衆數萬連陷東陽義烏浦江遂逼金華既  
而引去巡按御史左光先命子龍為監軍往討稍有  
俘獲都退屯山中官軍仰攻不能下監司欲撫之語  
子龍曰賊聚糧據險非曠日不克我兵萬人止五日  
糧柰何子龍曰都舊識也請往察之乃單騎入都營  
責數其罪諭令歸降待以不死遂挾都走山中散遣  
其衆而以二百人降光先乃斬都等六十餘人于江  
許自是一二年間浙東土寇**質實**湘鄉東漢析湘南  
蕨起皆稱白頭兵蓋自都始**質實**湘鄉東漢析湘南  
益陽縣地置寧鄉宋析長沙縣地置明並屬長沙府  
湘潭秦湘南蕭梁改湘潭元升州明復為縣亦屬長  
沙府今慈因之桃花江在益陽縣西南六十里源出  
梓梁巖西北流逕浮邱山北又北流四十里入資江  
臨武漢縣五代晉省入平陽宋復置藍山縣漢南平  
隋改藍山明並屬桂陽州以隸于衡州府今逕屬桂

陽州桂陽唐置宋升為軍元改路明降州屬衡州府

本朝雍正十年升直隸州東安宋以零陵縣之東安

場置明屬永州府今因之銅梁橋在嘉禾縣東南三

十里藍山在桂陽州西百里按臨武藍山二縣界蒼

萃蒼翠浮空如藍定南明隆慶二年析龍南安遠信

豐三縣地置屬贛州府今因之平遠明嘉靖四十三

年析興寧程鄉二縣地置屬潮州府今改屬嘉應州

羅岡山在興寧縣北八十里清流宋析長汀寧化二

縣地置明屬汀州府東陽唐析義烏縣地置明屬金

華府今皆因之岷王金鑑莊王榷九世孫劉熙祚字

仲緝武進人陳子龍字卧子松江華亭人袁光先桐

城人光斗弟也 本朝乾隆四十一年袁承孟及子

夢麟並

入祠

三月左良玉軍作亂南京戒嚴

良王既縱掠武昌居二十餘日李自成前鋒逼漢陽乃避之東去居人登蛇山以望叫呼更生曰左兵過矣良王所部多降兵叛卒桀悍不馴裨將王光成為亂首擁兵十餘萬自九江而下破建德劫池陽去蕪湖四十里泊舟三山荻港漕艘鹽船盡奪以載兵聲言餉乏欲寄擊于南京文武大吏相顧譖貽陳師江上為守禦士民一夕數徙商旅不行都御史李邦華被召道湖口嘆曰中原安靜土東南一角耳身為大臣忍坐視決裂袖手而去耶草撒告良王以危詞動之良王氣乃沮邦華用便宜發九江庫銀十五萬餉之而身入其軍間說慰勞一軍稍安邦華入見帝諭良王潰兵之罪請歸罪于王光成帝乃令良王誅光成而獎其能定變良王卒留光成于軍中不誅也良王以賊萃湖北不敢嬰其鋒遂留安慶久之徐朔九江而上當是時官軍所至輒肆攻剽鳳陽總督馬士英遣使者李章玉徵貴州兵討賊于道掠江西

為樂平吏民所拒擊比抵徽州境復大掠民遂以為賊羣起破走之章玉諱言激變謂徽民抗拒官軍實  
在籍御史金聲及推官吳翔鳳所主使士  
英以聞聲兩疏陳辨帝察其無罪不問  
質實蛇山在武

昌府城內東隅一名高冠山即黃鵠山支阜建德漢  
石城縣地唐初為秋浦縣地至德二載始分置至德  
縣五代楊行密改建德明屬池州府今因之池陽謂  
貴池青陽也貴池隋秋浦縣楊行密改貴池明為池  
州府治今因之三山在繁昌縣東非三十五里山之  
東為三山磯荻港在繁昌縣西五十里吳鳳翔大興  
籍南  
昌人

發明

左良玉驍勇善戰屢殲巨盜一時威名出諸將右乃以驕亢生心緩追養寇督師檄調而

不前將士敗亡而不救跋扈極矣甚且縱兵淫掠破邑攻城致令居人畏左軍甚于畏盜兵是平盜

者又增一盜矣潰兵之變向使無邦華之檄告權  
宜戢亂其勢必有不可言者朝議但歸罪于偏裨  
而轉獎其能定變可謂舍豺狼而問狐狸而良玉  
乃竟匿允成而不誅此其意中寧復有朝廷哉而  
當時尚欲倚以辦賊是但知其材任  
攻戰而不知其行已同于盜賊矣

## 夏四月我

## 大清兵北還

大清兵自山東還至近畿諸路援軍亦隨而北終未敢  
一戰給事中熊汝霖因言兵入塙于嶺以來南北往  
返諸軍謹隨于後如廝隸之于貴官負弩前驅望塵  
靡及何名為將何名為督師帝深然之汝霖復言外  
縣難民紛紛入都不云被兵而云避援軍兵破霸州  
未嘗殺俘百姓援軍繼至遂無子遺朝廷歲費數百

萬金錢以養兵豈欲毒我赤子帝惡其語激謫為福  
建按察使照磨而近畿烽火日亟帝憂甚大學士吳  
姓方奉命辦流寇周延儒不得已自請視師帝大喜  
降手勅獎以召虎裴度賜章服白金文綺上駟給金  
帛賞軍延儒駐通州亦不敢戰惟與幕下客飲酒娛  
樂而日騰章奏捷及

大清兵北旋至懷柔趙光杓合唐通白廣恩等八鎮兵  
邀戰于螺山皆潰總兵張登科和應薦敗殲延儒偵  
大清兵已還乃言兵退請下兵部議將吏功罪遂歸京  
師時援軍多畏縮觀望其以死事聞者有大同參將  
吳希稷守備張爾璽與登科等先後戰死是冬  
大清兵攻寧遠前屯總兵李輔明馳救殲于陣而寧遠

總兵王定宸及別將李鳴鳳羅質實螺山在懷柔縣  
文耀陶宗儀楊倫皆與城殉  
質實北吳希稷連城  
人張爾璽大同人王定宸李鳴鳳羅文耀楊倫皆遼  
東人陶宗儀密雲人  
本朝乾隆四十一年追諡張



登科和應薦吳希稭張爾塾李輔明楊倫  
烈愍王定宸李鳴鳳羅文耀陶宗儀節愍

### 五月以魏藻德為少詹事兼東閣大學士預機務

藻德以十三年舉進士既殿武帝思得異才復召四  
十八人于文華殿問方畧藻德口才捷給自叙十一  
年佐有司守通州功帝善之擢置第一授修撰及都  
城戒嚴疏陳兵事又召對稱旨帝意其有抱負擢禮  
部右侍郎兼東閣大學士入閣輔政藻德力辭部銜  
乃改少詹事正統末年兵事孔棘彭時以殿試第一  
人踰年即入閣然以原官預機務未有起拜大學士  
者陳演見帝遇之厚曲相比附八月補行會試引為  
副總裁越蔣德璟黃景昉而用之藻德居位  
一年無所建白但倡議令百官捐助而已

德順天  
通州人

# 吳姓罷

帝以襄陽荊州承天連陷召對廷臣預渾謂姓曰卿向歷巖疆可往督湖廣師姓具疏請得精兵三萬自金陵起武昌扼賊南下帝方念湖北覽疏不悅留中姓請面對帝以所需兵多猝難集南京隔遠不必退守姓奏言左良玉跋扈甚前督師楊嗣昌九檄徵兵一旅不發臣不如嗣昌而良玉踞江漢甚于叢時且節制不行徒損威重南京從襄陽順流而下窺伺甚易宜兼顧非退守也大學士陳演言督師出則督撫兵皆其兵姓言臣請兵正謂督撫無兵耳使臣束手待賊事機一失有不忍言者帝乃令兵部速議發兵尚書張國維請以總兵唐通馬科及京營兵共一萬畀姓又言此兵方北行俟撤備後始可調帝命姑俟之姓屢請帝曰徐之撤備則兵自集卿獨往何益踰月周延儒出督師朝受命夕啟行將德璟謂倪元璐

曰上欲吳公速往緩言相慰者試之耳觀首輔疾趨  
可見姓卒遲回不肯行部所撥唐通兵演又以關門  
不可無備請留之姓不得已以是月辭朝先一日出  
勞從騎帝猶命中官賜銀牌給賞越宿忽下詔責其  
遲遲命輒行入直姓惶恐兩疏引罪遂許致仕既行  
演與錦衣駱養姓交構之帝益怒及周延儒以賄敗  
帝作色曰兩輔臣負朕朕待延儒厚乃納賄行私罔  
知國法命姓督師百方延緩為委部地延儒被糾姓  
何獨無既而曰朕雖言終必無糾者錦衣衛可宣姓  
候旨姓入都敕法司議罪遣戍金苗南京兵部尚書  
史可法馳  
疏救不從

## 周延儒罷

延儒自通州還朝繳上督師敕帝即令歲時以識  
勞論功加太師座于中書舍人賜銀幣蟒服延儒辭

太師許之居數日掌錦衣衛事駱養性及中官盡發  
所刺軍中事帝乃大怒責延儒蒙蔽推諉下廷臣察  
議陳演等公揭救之延儒席藁待罪自請戍邊帝猶  
降溫旨言卿報國盡忱終始勿替許馳驛歸賜路費  
百金以彰保全優禮之意及廷臣議上帝  
復諭延儒功多過少令免議延儒遂歸

### 以倪元璐為戶部尚書

祖制浙人不得官戶部元璐辭不許帝眷元璐甚五  
日三賜對元璐言陛下誠用臣臣請得參兵部謀帝  
曰已諭樞臣令與卿協計時馮元颺為兵部尚書與  
元璐同志鈞考兵食中外想望治平惟帝亦以用兩  
人晚元璐以新制遭科臣出督四方租賦徒擾民無  
益督餉侍郎屢為盜劫遠避之長沙衡州餉終不克  
辦並乞罷之仍責成督撫按臣無煩朝使自軍興以  
來正供之外有邊餉有新餉有練餉有餉目繁多貽吏

為奸當合為一帝皆報可而時事益不可為左支右絀災傷捐免頗多漕運時為土寇所沮于是言國計者紛起崇明人沈延揚獻海運策元璫請以海艘六試行之月餘運已至帝大喜遂命漕運興海運兼行未幾有蔣臣者請行鈔法帝即擢為戶部司務元璫亦力贊之終不可行而止帝又嘗以御史王燮言收銷舊錢但行新錢新錢彌惡薄雜鉛沙大半碎擲破碎百不盈寸而古錢銷燬頓盡蓋自隋世盡銷古錢至是凡再見尋又收鑄質實蔣臣桐城人當五錢不及鑄而國亡王燮商邱人

張獻忠陷武昌沉楚王華奎于江前大學士賀逢聖等死之

先是左良玉避自成東下盡撤湖廣兵自從獻忠聞之乘虛襲陷黃梅廣濟生員張問熙李化龍孫仍盧

如鼎殉焉追薄蘄州知州許文岐擢督糧參政當行  
數曰吾為天子守孤城三載矣分當死封疆雖危急  
奈何棄之撤參將毛文富出屯近郊為固守計文富  
劫關廂馳去荆王府將校郝承忠者潛通獻忠導其  
衆悉力來攻文岐發礮斃賊頗多夜將半雪盈尺賊  
破西門入文岐巷戰雪愈甚礮不得發與指揮岳壁  
同被執獻忠欲脅兩人降壁厲聲曰我世臣地城亡  
與亡豈降賊賊乃殺壁而羈文岐于後營盡屠州民  
帥官饒京張邦翼李樹初李挺李新董一化皆死文  
岐與舉人吳鼎鉉等數十人同繫文岐密謂曰觀賊  
老營多烏合凡此數萬賊皆被掠良民若告以大義  
同心協力賊可戰也陰相結剋期舉事謀洩遇害賊  
大衆入黃州同知朱統錮禦之殁于陣黃民有棄家  
逃乃驅婦女剽城尋殺之以填塹黃岡知縣孫自一  
縣丞吳文燮衛指揮郭以重鄉官樊維城舉人於斯  
行武舉王子監生黃馮雲路史之見汪延陸義民余

秀負曹上謨曹大震不屈死賊分兵攻黃陂麻城黃陂如縣趙元有主簿薛開禮生員傳可知俱先後死難湖南將馬人龍援麻城戰歿有大姓奴湯志者殺諸生六十人以城降置縣事教諭蕭頌聖死之獻忠乃改麻城為州是時黃州屬邑皆陷蕪水縣丞吳文奕教諭孫瑋訓導童天中羅田守將郭金城生員王邦衡與子鯉並殉節獻忠引兵西犯漢陽武昌震懼前巡撫宋一鵬既死代者久不至武昌知府江夏知縣並以朝覲行楚府左長史徐學顏攝縣事急修守具然武昌素不宿重兵城空虛或議撤江上兵以守參將崔文榮曰守城不如守江江中鴨蛋諸洲淺不及馬腹縱之飛渡而坐守孤城非策也當事不從賊已渡江陷武昌縣殺知縣鄒透吉縣無人賊出營樊口文華軍洪山寺扼之既斂兵入城以他將代守賊全軍由鴨蛋洲畢渡抵洪山守將亦退入城文榮偕逆聖固守賊攻之不能下監軍叅政王揚基時已擢

右僉都御史巡撫承天德安二郡未聞命尚駐武昌見勢急與推官傅上瑞詭言有事漢陽開門遁去人情益洶洶先是逢聖詣楚府乞發帑募士楚王出太祖所分金巢交椅一手庭曰惟此可作軍需耳他何有逢聖哭而出及寇警日急始出資募兵應募者率漸黃潰卒及賊間謀反開門納賊文榮方出門還闔城扉不及躍馬大呼殺三人賊攢梁刺之洞胸死學顏格門斷左臂大罵不屈為賊支解死逢聖被執叱曰我朝廷大臣若曹敢無禮賊麾使去投水死武昌通判李毓英教諭王會篇衛經歷汪文熙江夏巡檢戴良瑄卿官吳思溫舒顯應貢其志保舉如縣傳如珪張鳴錦舉人謝淳培貢生何應軫生員熊霽明審皆不屈死都司徐至美守黃鶴樓重創死賊乃縛楚王華奎籠而沉諸江盡殺楚宗室錄男子二十以下十五以上為兵餘皆殺之由鸚鵡洲至道士狄浮諸被江月餘人脂厚累寸魚鼈不可食獻忠遂偕號改武



昌曰天授府江夏曰上江縣據楚王第鑄西王之寶  
偽設尚書都督巡撫等官開科取士下令發楚卽金  
振飢民斬黃等二質實鴨蛋洲一作鴨彈洲在江夏  
十二州縣悉附

西北五里洪山寺一名寶通寺在江夏縣東十五里  
洪山下黃鶴樓在江夏縣西鸚鵡洲在江夏縣西南  
二里道士狀在大治縣東九十里古名士洑鎮賀逢  
聖當城陷時載家人以舫駛出墩于湖鑿其舫牆妻  
危氏子覲明光明子婦曾氏陳氏孫三人皆溺死初  
賊連陷蘄黃逼江夏有大治人尹如翁逢聖門生也  
走三百里持一僧帽一架梁來貽逢聖逢聖反其衣  
曰子第去無憂我如翁去賊陷大治死之逢聖既殉  
節越百有七十日屍出浮水上面如生以冬十一月  
壬子殮大吏塋之江夏縣之南紙坊許文岐字我西  
仁和人岳望蘄州人世為衛指揮饒京官監察御史  
張邦翼官江西布政使李樹初官山西按察副使李

樞官遵化兵備副使李新官陝西僉事舉家被執賊欲屈之新叱曰我昔官秦中爾輩方為廝養今日肯屈膝廝養耶賊怒新抱父屍就刃董一化官印江知縣朱統鋤新建人孫自一光州人吳文燮閩人郭以重黃州人世為衛指揮聞城陷自他所來赴難其妻欲止之叱曰朝家畀我十三葉金紫不能易一死哉吾將先殺汝妻乃不敢言既至遇賊欲脅之去堅不從露刀懾之乃好謂賊曰從汝非難但抱呱呱免者吾喜也汝為我殺之吾無累矣賊如其言以重即奪賊刀擊斬一賊羣賊擁至遂投水死樊維城官福建兵備副使趙元有晉江人守城戰死馮雲路字漸卿從賀逢聖講學賊將渡江雲路貽書逢聖曰在內以寧湖為止水在外以漢江為汨羅寧湖者雲路談經處也城既陷乘桴入寧湖賊遣使來聘投湖死薛聞禮武進人歲歉民逋漕粟聞禮貸于所知得千金以代民逋賊陷黃陂愛其才挾與俱去暮即亡歸殺賊

所置偽官令士民逃避挺身任之遂被殺傳可知以  
孝稱賊執之憐其年既老不殺令飼馬罵賊被害馬  
人龍鎮算人蕭頌聖定遠人童天中施州人徐學顏  
字君復永康人一家二十餘人皆殉節崔文榮海寧  
衛人傅上瑞武定人李毓英國安人王會篇漢陽人  
吳思溫官廣西市政使舒顯應官鳳翔知府貢其志  
官霍山知縣傳如珪保舉知縣未任張鳴錦官指揮  
千戶謝淳培何應軫皆江夏人熊霄字渭公黃岡人  
移居武昌喜邵子皇極書頗言未來事城破前一日  
貽書其友人曰明日當覓我墓樹下及期行樹傍賊  
追至躍入河池以死明睿江夏人城破賊獨不入其  
門睿慨然曰安有父母之邦淪覆而偷生苟活者歟  
妻及二子二女諸婢以次投井死時人號為明井徐  
至美上虞人有朱士鼎者為巡江都司城陷被執賊  
喜其勇敢欲大用之戰手大罵賊斷其右手以左  
手染血灑賊賊又斷之不死賊退令人縛筆于臂能

作楷字招集舊卒訓練如常 本朝乾隆四十一年  
退諡賀達聖忠愍許文岐李新崔文榮忠節岳璧郭  
以重樊維城薛闡禮徐學顏徐至美烈愍饒京張邦  
翼李樹初李挺董一化朱統錫孫自一趙元有馬人  
龍蕭頌聖郭金城李鏡英吳思溫舒顯應貢其志  
傳如珪張鳴錦節愍張聞熙等及尹如翁並入祠

### 六月范志完有罪下獄

先是志完為督師退避不進次山東縱兵淫掠為兵  
備僉事雷縉祚所劾帝令縉祚再陳志完者首輔周  
延儒門生也縉祚意有所忌久不奏及延儒下廷議  
縉祚乃奏言志完兩載僉事驟陟督師非有大黨何  
以至是方德州被攻不下轉攻臨清又五日志完始  
至聞後部破景州則大懼欲避入德州城漏三下邀  
臣議臣告以督師非入城官薊州失事由援兵內潰  
志完不憚而去若夫座主當朝國利曲庇隻手自燎

原之執片語操生死之權稱功頌德偏于班聯臣不  
忍見陛下以周召待太臣而大臣以嚴嵩薛國觀自  
待也臣外藩小吏乙榜孤蹤不言不敢盡言不敢惑  
陛下虛懷俯納故不避首輔延儒與舉國媚附時局  
畧進一言帝益心動下志完獄召續祚入對親鞫志  
完于中左門質其延邇淫掠狀皆實帝問續祚稱功  
頌德者誰對曰延儒招權納賄如起廢清獄蠲租皆  
自居為功考選臺諫盡收門下几求總兵巡撫者必  
先賄幕客董廷獻帝怒逮廷獻論志完死已又曰志  
完與趙光祚皆延邇河間獨罪志完詐服其心乎遂  
并逮光祚光祚嘗薦總兵白廣恩廣恩抗不赴  
召帝以是益惡光祚卒與志完同日斬西市  
雷續祚  
太湖人

## 雷震奉先殿

遣官告太廟  
敕羣臣修省

### 秋七月京師大疫

自二月至是月死者無算詔發帑  
療治瘞五城暴骸且命釋輕繫

### 八月張獻忠陷湖南諸府

獻忠既僭號武昌李自成在承天聞之忌且怒貽之  
書曰老回回已降曹操輩誅死行及汝矣左良玉兵  
復西上偽官吏多被擒殺獻忠懼衆趣湖南岳州  
大震承天巡撫王揚基率所部千人自岳州奔長沙  
推官蔡道憲請還駐岳州曰岳與長沙唇齒也并力  
守岳則長沙可保而衡永亦無虞揚基曰岳非我屬  
也道憲曰桑北守南猶不失為楚地若南北俱棄所  
屬地安在揚基語塞乃赴岳州及賊入蒲圻揚基即

遁去湖廣巡撫王聚奎遠駐袁州憚賊不敢進道憲亦請移岳州聚奎不得已至岳數日即徙長沙道憲曰賊去岳遠可繕城以守彼犯岳猶憚長沙援若棄岳長沙安能獨全聚奎不從賊果逼岳州沅撫李乾德摠兵孔布貴禦賊于城陵磯三戰三克殲其前部獻忠怒百道並進乾德等不支皆走岳州陷獻忠欲渡洞庭湖卜于神不吉投琰而詢將渡風大作獻忠睥巨舟千艘載婦女焚之火光燭水夜如晝遂易騎以犯長沙巡按御史劉熙祚先令道憲募壯丁五千與總兵官尹先民等扼羅塘河聚奎聞賊至大惧急撤兵還城自衛道憲曰去長沙六十里有險可柵以守毋使賊踰此又不從賊薄城士民盡竄聚奎詭出戰遁率所部走湘潭會惠王避地至長沙與吉王謀出奔熙祚奉以奔衡州獨道憲登陴禦守賊遠城呼曰軍中久知蔡推官名速降無自苦道憲命守卒射之斃尋先民出戰敗還賊奪門入先民降道憲被執

賊唱以官噤齒大罵賊曰汝不降將盡殺百姓道憲  
大哭曰願速殺我毋害百姓時有健卒林國俊李師  
孔陳賢劉士鳳等隨道憲不去賊令說道憲降國俊  
曰吾主畏死去矣不至今日賊曰爾主不降爾輩亦  
不得活國俊曰我輩畏死亦去矣不至今日賊知道  
憲終不可奪磔之其心血直濺賊面賊將并殺國俊  
等四人四人憤然曰願瘞主屍而死賊許之乃解衣  
裹道憲骸瘞之南郊醴陵坡皆自刎賊乃以給事中  
史可鏡為偽巡撫俾守長沙引兵進薄衡州聚奎兵  
自湘潭先至衡大焚掠桂王及吉惠二王登舟避亂  
熙祚單騎赴永州為城守計聚奎復避賊走祁陽衡  
州又陷猷忠折桂兩村截至長沙造偽殿而自率兵  
追三王三王奔至永州聚奎率所部相繼至劫庫金  
去永州士民空城逃熙祚乃令其中軍護王王走廣  
西已留永州死守城陷見殺又陷寶慶常德發故督  
師楊嗣昌祖墓斬其屍見血攻道州守備沈至緒戰



諸生黃鳳德醴陵知縣萬賴擢諸生文昌拱寧鄉知	南岳州通判劉璧臨湘知縣林不息湘陰知縣楊開	振珉通判何三傑常德同知朱國治長沙通判周二	咸諸生熊延祚湖南則衡州知府張任寶慶知府李	柳宗旦張用晦施爾奇柳列奎李善昌左璞李聯孝	中錫沔陽諸生朱日薦鍾祥諸生劉振孫雲夢諸生	典史張自新諸生李哲夷陵鄉官李雲應山舉人劉	生謝幼安隨州吏目沈元鑑歸州千戶呂調元京山	圻知縣曾拭安陸知縣濮有容江陵知縣袁問科諸	均州知州胡承熙布衣李友竹嘉魚知縣王良鑑蒲	守及鄉官士庶不屈死者湖北則援勦都司張應禮	龍據漢川賊偽官徧諸郡縣諸郡縣將吏之殉于城	養成牛萬才據夷陵白旺據安陸蕭雲據荊門謝應	承天遣其黨高一功馮雄據襄陽任繼光據荊州蘭	德衡永寶慶郴州之屬多為獻忠所破而自成竊據	段其女再戰奪父屍還城復全當是時岳州長沙常
----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------

縣莫可及安化知縣袁繼登衡陽知縣張鵬翼衡山  
知縣董我前教諭彭允中桂東知縣母崇正瀏陽大  
圍山守備王元封署武陵縣衡州教授時道亨鄉官  
楊鷺諸生周笏柳之彥益陽教諭賴大雅鄉官陸有  
光諸生易應達巴陵教諭歐陽顯宇邵陽教諭王紱  
諸生劉源澄曾士選劉養生布衣劉人儼陳邦基長  
沙縣丞吳士義武生蕭鍵善化舉人馮一第諸生李  
有斐東安舉人唐德明湘潭諸生譚景悅蕭贊黃文  
炳子甲譚孔昭譚思猷子清遠耒陽諸生謝如珂皆  
死賊難于是湖南北十五府陷者十三辰州以土司  
塞辰龍關鄖陽以按察使高名衡遊擊王光恩百計  
捍禦獨得存然鄖陽四面皆賊中朝謂其已陷不復  
設撫治是年夏斗樞上請兵疏始知鄖府徐啟元右僉  
斗樞為撫治陳演與之有隙乃擢知府徐啟元右僉  
都御史任之加斗樞太僕少卿路阻亦不能達也而  
武昌諸生程天一孝感布衣易道三集鄉勇討賊監

軍道王瓚沔陽知州章曠起兵應之斬黃漢陽三府  
旄反正良玉亦入武昌立軍府駐其師聞猷忠已入  
江西遣副將吳學禮往援巡撫郭都賢惡其淫掠檄  
歸之自募土人戍守未幾吉安袁州建昌撫州俱告  
愼吉安通判邵夢河安福舉人王之爵諸生周國柱  
分宜貢生張兆蘭峽江諸生胡若坦畝水布衣徐士  
驥並以殉節著廣東韶大震屬城盡逃副使王孫  
蘭請救不應連城守將先據城叛憤而自殺兵部侍  
郎呂大器方代侯恂為總督無兵不能救良玉以恂  
解任中道逮下獄知其為已心怏怏與大器齟齬亦  
不援其部將馬進忠馬士秀連復岳州袁州已而進  
忠與賊戰嘉魚再失利良玉軍遂不振顧猷忠終憚  
良玉不敢南行有猷計取吳質實蒲圻晉置舊在嘉  
越者謝不用決策八川中質實魚西南隋移今治  
明屬武昌府今因之城陵磯在巴陵縣北十五里蜀  
江西來洞庭南注合流于此為一郡水口羅塘河在

長沙縣北醴陵坡在善化縣東南祁陽三國吳析衆  
陵縣置舊治在縣東唐移今治明屬永州府漢川唐  
析漢陽縣地置漢川縣宋改義川尋曰漢川明屬漢  
陽府嘉魚隋于沙羨縣地置鮎漬鎮唐改嘉魚縣明  
屬武昌府醴陵宋漢置元升州明復為縣屬長沙府  
桂東宋析桂陽縣地置明屬郴州瀏陽三國吳析長  
沙縣地置明屬長沙府今悲因之大圍山在瀏陽東  
北一百五十里一名首祁山東接江西瑞州府新昌  
縣界北接江西南昌府寧州界仰陽漢昭陵縣晉改  
邵陵隋改邵陽明為寶慶府治未陽漢縣元升州明  
復為縣屬衡州府今並因之辰龍關在沅陵縣東安  
福漢安成唐改安福元升州明復為縣屬吉安府今  
因之蔡道憲字元白晉江人王聚奎郡縣人李乾德  
西充人吉王慈煒蘭王見浚八世孫史可鏡長沙人  
以丁徭歸降賊賊入四川李乾德獲還長沙執可鏡  
榜掠械送南京伏法張應禮遂寧人胡永熙歙人遷

刑部員外郎未行賊陷均州與子爾英俱殉節王良  
鑑霍山人曾棧臨川人濮有容分水人一門十九人  
皆死難袁問科珙縣人賊陷城避之鎮雄賊索得闔  
家遇害沈元鑑金壇人呂調元歸州人賊至招降不  
屈率義勇戰死張自新分宜人統民兵勦賊戰死于  
羅漢嶺李雲官潁州知州有忠政謝歸城陷被執至  
江陵絕粒死張任三水籍三原人與賊戰舟中合家  
被害李振珽鄆人城陷赴湘水死弟振珽僕李六鳳  
周科徐彩俱殉何三傑定州人朱國治雲南臨安人  
周二南字汝為雲南人與蔡道憲深相得道憲死二  
南力請于上官獲奏聞贈卹尋擢岳州知府士民周  
留仍視長沙通判李自成造其黨自興國間道入境  
二南督兵出禦于瀏陽之官渡歿于陣劉壁確山人  
擢漢陽知府未行奮力堅守糧盡城陷不屈死子泰  
時年十四又死之林不息莆田人莫可及宜興人為  
長沙照磨攝寧鄉縣事子若鼎若鉦俱殉節袁繼登

長垣人擢刑部主事未行城陷被焚死張鵬翼西充人賊脅使降不屈縛而投諸江妻子赴水死董我前富順人彭元中分宜人母崇正四川人王元封建德人賊犯境單騎入賊營酣戰馬仆猶步鬥殺數人而死時道亨永明人楊驚官上林苑監正賴大雅賴州人陸有光嘗為推官以艱歸賊陷長沙母被執不得已至賊營釋其母扼吭死歐陽顯宇桂陽州人罵賊支解死王紘貴州人吳士義歸安人賊陷城舉刀相向百姓號哭為請命士義罵賊不絕口死之馮一第走湘鄉乞師賊執其母與兄招之至長沙就縛罵賊死母兄獲免徐啟元遼東人郭都賢益陽人邵夢河電白人以吉安通判署安福縣市城陷死王孫蘭字晚仲無錫人呂大器字儼若遂寧人本朝乾隆四十一年選諭蔡道憲劉熙祚忠烈王良繼曾拭濮有容袁問科張任李振琰林不息王元封時道亨歐陽顯宇烈愍張應禮胡承熙李雲何三傑朱國治周二

南劉瑩莫可及表繼登飛鵬翼董我前毋崇正楊鷺  
陸有元吳士義卽夢河王孫蘭烈愍林國俊等並入  
祠

## 九月黃景昉罷

採江故有文武二臣帝欲裁去文臣專任譏意伯劉  
孔昭召忠世揚為副都御史久不至帝命削其籍景  
昉上疏爭帝  
不憚遂引歸

## 冬十月李自成寇潼關督師孫傳庭死之

自成既據承天僭號新順王集牛金星等議兵所向  
金星請先取河北直走京師楊永裕請下金陵斷燕  
都糧道從事顧君恩曰金陵居下流事雖濟失之緩  
直走京師不勝退安所歸失之急關中山河百二宜

先取之建立基業然後旁畧三邊資其兵力攻取山  
西後向京師底幾進戰退守萬全無失自成徙之初  
傳庭之敗于柿園而歸陝也力主固守潼關控扼上  
游蓋募勇士使白廣恩高傑將之開屯田繕器械粟  
三家出壯丁一製火車三萬輛俟賊間而擊之會開  
中頻歲飢苦征繕秦之士大夫以傳庭用法嚴不樂  
其在秦相與譁于朝曰秦督玩寇矣咸上章催戰獨  
兵部馮元飈持議與傳庭合謂官軍新募未經行陣  
宜致賊而不宜致于賊乃于帝前爭之曰請先下巨  
獄俟一戰而勝斬巨謝之人貽書傳庭戒毋輕戰白  
高兩將不可任而廷議趣戰益急帝加傳庭督師命  
速出關傳庭頓足嘆曰奈何乎吾固知往而不返也  
然大丈夫豈能再對獄吏乎不得已遂再議出師以  
總兵牛成虎將前鋒高傑將中軍王定官撫民將延  
寧兵為後勁白廣恩統火車營自新安來會撤左良  
玉赴汝寧夾擊陳永福將河南兵秦翼明將川兵為



將角是時自成已自楚至豫盡發荆襄兵今于汜水  
策澤伐竹結筏八佩三葫蓋將謀渡河傳庭分兵防  
禦以八月十日率師出潼關師次汝州偽都尉四天  
王李養純降養純言賊虛實諸賊老營在唐縣偽將  
史屯寶豐自成精銳盡聚于襄城遂破賊寶豐斬偽  
州牧陳可新等進擣唐縣破之殺賊家口殆盡賊滿  
營哭轉戰至郟縣擒偽果毅將軍謝君友斫賊坐纛  
尾自成幾獲賊奔襄城大軍遂進逼襄城賊懼謀降  
自成曰無畏我殺王焚陵罪大矣姑決一死戰不勝  
則殺我而降未晚也而官軍時皆露宿與賊持久雨  
道薄糧車不能前士飢攻郟破之獲馬羸散之立盡  
而七日夜不止後軍譁于汝州不得已退軍迎糧留  
陳永福為後拒前軍既移後軍亂永福斬之不能止  
賊追及之南陽傳庭令反轡還戰賊陣五重飢民處  
外次步卒次馬軍又次驍騎老營家口處內官軍力  
闕破其三重傳庭復麾之進賊驍騎殊死戰官軍陣

稍動廣恩軍將火車者呼曰師敗矣脫輓輅而奔車  
傾塞道馬絀于衛不得前賊鈇騎凌而騰之步賊手  
白梃遮擊中者首嚙齧俱碎叅將趙希魁戰歿廣恩  
走汝州傑隨傳庭走河北自成空壁追躡一日夜官  
兵狂奔四百里至于孟津死者四萬餘失亡兵器輜  
重數十萬方傳庭退兵迎糧偽侍郎卬之陶者大學  
士瑜子也以蠟九書貽傳庭曰督師當還兵戰吾詭  
言左鎮兵大至搖其心彼必返顧督師擊其後吾從  
中起賊可滅也傳庭大喜報書如其言為賊邏者所  
得之陶被害傳庭恃內應連營前進遂至敗傳庭由  
山西渡河轉趨潼關廣恩已先至傑欲棄潼關徑入  
西安憑堅城固守傳庭曰賊一入關則全秦糜沸泰  
人尚為我用乎已而自成攻關廣恩力戰傑以寶豐  
之敗廣恩先走不救已衛之人憾傳庭不用其言擁  
眾不肯救廣恩戰敗傳庭登陴固守賊分兵從山後  
遠出其背關城遂陷傳庭躍馬揮刀大呼衛入賊陣

與監軍副使喬遵高同戰死衛指揮張爾猷盛祖之  
李繼祖千戶表化龍潼關教授許嗣復皆殉節帝聞  
潼關陷召問諸大臣大學士陳演言賊入關中必戀  
子女玉帛猶虎入陷穽兵部侍郎余應桂曰壯士健  
馬咸出關西賊得之必長驅橫行大臣安得而設演  
股栗失色帝頻命應桂總督三邊收邊兵勸賊應桂  
以無兵無餉入見帝而泣帝但遣京軍千人  
護行時賊已充斥關中應桂亦不能進也  
質實  
庭出師時自分必死顧語妻張氏曰爾若何曰丈夫  
報國耳母憂我後西安破張氏率二女三妾沉于井  
揮其八歲兒世寧亟避賊去之兒踰牆墮民舍中一  
老翁收養之長子世瑞聞之自代州重跣入秦得夫  
人屍井中面如生老翁歸其弟世寧相扶攜還道路  
見者知與不知皆泣下傳庭死不得其屍或有言傳  
庭未死者竟不予贈廢仰之陶宜城人賊陷宜城其  
祖民忠罵賊死之陶被執陷賊中欲得問以殺賊謀

洩賊怒其為孫傳庭內應支解之趙希魁渭南人喬遷高定襄人妻史氏子象觀聞變鑑死張爾猷盛昶之李繼祖束化龍並潼關衛人許嗣復井陘人分守關城之上南門城陷被執罵賊死妻女殉之本朝乾隆四十一年追諡孫傳庭忠靖趙希魁喬遷高張爾猷烈愍盛昶之李繼祖節愍邱之陶表化龍許嗣復並入祠

李自成陷西安巡撫右僉都御史馮師孔等死之秦王存樞降于賊

自成長驅入關中遂連陷華州渭南臨潼分遣右營十萬人從南陽攻臨商州華州鄉官郭宗振李承燦薛國忠渭南知縣楊暄教諭張馥訓導蔡其城鄉官南金仲南居益南居業鄭君燮臨潼鄉官王佩珂商

雍道參議黃世清商州諸生邵公坤雷堂李本健呂  
元聲孫繼文布衣楊名道周揚寶等並殉難賊遂進  
攻西安師孔厲兵禦守裨將王根子潛通賊城陷副  
將劉光先戰不支沉河死師孔及按察使黃綱長安  
知縣吳從義秦府長史章尚綱指揮崔爾達苑馬寺  
監正游之雲按察經歷揚于邦鄉官祝萬齡陶爾德  
周培忠寶光儀徐芳聲徐方敬徐應魁舉人朱誼眾  
席增光貢生孫厚泰弟厚芳諸生李光信王召俊陳  
瑞布衣朱恩等死之自成執秦王存樞以為權將軍  
永壽王存桑為制將軍布政使陸之祺里居吏部郎  
中宋企郊提學僉事單煥等俱降自成大掠三日改  
西安曰長安稱西京賜顧君恩女樂一日賞入關策  
也大發民修長安城開馳道自成每三日親赴教場  
校射百姓望見黃龍纛咸伏地呼萬歲諸將白廣恩  
高汝利左光先梁甫先後降陳永福以先射中自成  
目保山顛不敢下自成折箭為誓招之亦降獨高傑

以竊自成。妻走延安。為李過所追折。而東渡宜川。絕蒲津。以守自成。兵所至無不克。西安諸屬城及延安。所部州縣多望風降。賊官吏以城守死者。惟蒲城知縣朱一統。延安副將解文英。縣丞姚成崇。白水知縣朱迴。洸教諭魏歲。典史劉進中。即知縣朱新。鏐數人。而監厓鄉官袁養和高陵鄉官李奇。昆富平鄉官田時震。朱崇德。三原鄉官焦源清。焦源溥。常道立。喬觀。華陰鄉官陳嗣虞。蒲城鄉官王道純。魏國柱。耀州鄉官宋師襄。同州諸生劉長庚。郿州諸生齊大成。膚施諸生楊繡。徵並以不屈死。自成既盡。有西安延安之地。乃諸宋脂祭墓。向為官軍所發。焚棄遺靴。築土封之。求其宗人。贈金封爵。以去。改延安府曰天保府。宋脂曰天保縣。清澗曰天波府。復以五百騎西掠鳳翔。守將誘而殲之。自成怒。大發兵往攻。典史董尚質。開門迎賊。知府唐時明被執。至興平。乘間自縊死。屬州縣亦叛降。自隴州同知薛應珍。寶雞知縣唐夢鯤。遊

擊魯榮曜裨將陳奇傑表明岐山鄉官牛養傑之外  
無死事者于是賊益恣甚且欲以偽檄定諸邊矣初  
自成割掠十餘年未嘗有大志及虜捲湖廣河南始  
萌竄據之意然地四達皆戰場所得郡縣官軍旋復  
之至是既入秦秦藩富甲天下府庫皆千萬  
皆為所取又據河山百二之險遂不可制  
秦櫟陽縣漢為新豐唐為昭應宋改臨潼蓋屋高陵  
皆漢縣明並屬西安府今因之華陰秦為秦寧縣漢  
改華陰明屬華州以隸于西安府今改屬同州府膚  
施漢縣三國魏廢隋復置明為延安府治岐山隋置  
明屬鳳翔府今並因之秦王存樞慰王煥十一世孫  
存樞既降賊其妃劉氏死之馮師孔字景魯原武人  
郭宗振官四川恤刑郎中有政聲李承櫟官山海關  
遊擊薛國蕙官寧夏守備偕弟諸生國華同擊賊死  
楊暄高平人擢兵部主事未行賊至誓死守舉人王  
命誥開門迎賊暄被執索印不與罵賊死張馥壽先

人蔡其城與楊暄分陴固守城陷死南金仲官南京  
吏部尚書致仕居益金仲族子官工部尚書削職歸  
居業金仲子官禮部祠祭司主事賊陷渭南賁南氏  
餉百六十萬金仲年八十三矣遇害誘降居益居業  
皆不從遣兵擁之去加炮烙二人終不屈絕食七日  
死鄭君愛官衡州推官王佩珂官商邱教諭黃世清  
字澄海滕縣人賊至世清憑城守有奸民投賊至城  
下說降世清作與語發礮斃之懸其首城上曰懷二  
心者視此士民皆效死礮矢盡繼以石石盡婦人掘  
街砌維之城陷世清坐堂上虜其僕朱化鳳去化鳳  
願同死一家十三人皆遇害邵公坤與弟公異公佐  
公齊公量同死一家死者十八人李本健與弟本深  
父本深之子同死呂元聲與母妻同死劉光先榆林  
人妻王氏投井死一家死難者五十餘人黃綱字季  
侯光州人崇禎七年賊陷光州子彛如督家僮巷戰  
罵賊死綱時以淮海兵備副使丁憂歸里方省墓獲



免至是綱與妻王氏偕赴井死吳從義浙江山陰人  
章尚綱會稽人將之靈廣濟人楊子邦保安州人祝  
萬齡咸寧人官河南右參政陶爾德咸寧人官川北  
道參議周培忠咸寧人官隰州知州一門殉節實光  
儀長安人官懷慶通判徐芳聲咸寧人官芮城知縣  
徐芳敬長安人官儀封知縣徐應魁長安人為秦府  
右護衛旗官朱誼果明宗室庠增光南鄭人孫啟泰  
李光信王召俊陳瑞皆咸寧人光信妻熊氏召俊妻  
雷氏並殉節瑞率二女孫沈紫潭湖死朱恩長安人  
與弟斗環姪語投井死永壽王存桑懷簡王尚烜十  
世孫也尚烜乃泰愍王撫第五子永樂初分封永壽  
陸之祺平湖人宋企郊乾州人輩婿真寧人解文英  
寧夏人朱一統平定人由舉人為蒲城知縣賊至以  
死自誓或言他州縣甲榜者皆已納款一統曰此事  
寧論資格耶尋衛兵叛奪印趣迎降一統赴井死朱  
迴沈明藩王支屬由宗貢生為白水知縣賊潛入城

猶手弓射賊魏歲沁州人朱新錄明宗室賊使人持  
偽檄招降新錄碎之歎曰城小無兵不能守計惟自  
靖耳令妻妾子女盡縊乃投縲死表養和官雲南知  
縣李喬崑官霸州道參政田時震官山西參政朱崇  
德字淳菴山東巡撫國棟父也贈右副都御史焦源清  
字湛一官宣府巡撫焦源溥源清從弟字涵一官大  
同巡撫常道立官河南巡撫喬觀官冀寧道參政與  
外弟王伯達僕王崇德同死陳嗣虞官高郵知州王  
道純官巡按山東御史魏國柱官睢州知州宋師襄  
官太常卿唐時明字爾極因始人薛應珍武進人時  
攝州事勅兵守城城陷罵賊死唐夢鯤番禺人曾榮  
耀陳奇傑表明與賊戰寶難之賈村段于陣本朝  
乾隆四十一年追謚南居益黃世清焦源溥忠烈馮  
師孔南金仲祝萬齡日時震焦源清常道立王道純  
忠節薛國慈楊暄南居業劉光先周培忠解文英朱  
一統朱迴流烈愍郭宗振李承燦鄭君愛黃綱吳從

義章尚綱崔爾達陶爾德實光儀徐芳聲徐方敬朱  
新錄朱養和李喬崑喬魏陳嗣虞魏國柱節愍張馥

等並  
入祠

發明

明季諸藩擁臂自殖不以佐國計而以齎盜  
糧一旦寇至束手就戮者何可勝道至于由

積存樞甘汚偽職而宗社之辱為已極矣然由積  
卒死泌陽其天良猶有未盡泯者特恨偷息須臾  
死非其所耳而存樞覲然人面且與晉王求桂從  
賊北行及其絕城欲上王家彥沮之曰二王降賊  
即賊也賊安得上夫豈非明太祖之支流苗裔而  
家彥顧叱之為賊亦可謂一字之誅嚴于斧鉞哉

十一月李自成陷榆林兵備副使都任前總兵官尤世

威等死之

先是總兵王定從孫傳庭出關大敗奔還榆林遠近震恐自成傳偽檄招降定懼詭言討套部率麾下兵遁去巡撫張鳳翼甫受命未至城中士馬單弱人心洶洶任世集督餉員外郎王家錄副將惠顯參將劉廷傑等與里居將帥尤世威等議城守衆推世威為主帥與延安綏德相繼陷復遣使說降廷傑大呼曰長安雖破三邊如故賊皆中州子弟殺其父兄而驅之戰必非所願榆林天下勁兵一戰奪其氣然後約寧夏固原為三師迭進賊可平也衆然其言乃歃血誓師簡卒乘繕甲仗各出私財佐軍守具未備賊將李過已引兵十萬抵城下廷傑募死士乞師套部師將至賊分兵劫之攻城甚力官軍力戰殺賊無算賊益衆來攻起飛樓逼城中矢石交至世威等戰益厲守七晝夜賊乃穴城置大礮轟之城遂破世威等猶督衆巷戰婦人墜子亦發屋瓦擊賊屍相枕藉既而力不支任家錄死之故總兵侯世祿侯拱極王學書董

學書及副摠兵潘國俊參將王榮不屈死一時同死  
者鄉官張雲鶚柳芳彭卿趙彬亦不屈死指揮崔重  
觀自焚死傅佑與妻杜氏自縊死中軍劉光祐罵賊  
死材官李耀善射矢盡自刎死李光裕趣家人死亦  
自刎張天欽焚其積貯自縊死千戶賀世魁偕妻柳  
氏自縊死參將馬鳴節聚妻子室中自焚死尤岱自  
殺于水西門李淮令妻女自縊率子殺賊自刎指揮  
鍾茂先殺妻子而自殺其以力戰死者里居則摠兵  
楊明副摠兵張發尤翟文王永祚參將李應孝在官  
則遊擊傅德藩國臣李國奇晏維新陳二典劉芳馨  
文侯國都司吳繼武中軍楊正韓柳永年馬應舉守  
備尤勉惠浙負大雷揚以偉指揮李文焜李文燦黃  
廷政千戶黃廷用百戶黃廷弼裨將文經國而副將  
常懷李登龍遊擊孫貴尤養鯤守備白慎衡李宗叙  
亦以守材堡遇害諸生陳義昌沈藩沈演白拱極白  
含章罵賊死張連元連捷李可柱胡一奎李應祥自

繼死賊怒廷餽勾套部磔之至死罵不絕口世威反  
故摠兵王世欽王世國李昌齡並被執縛至西安自  
成坐秦王府欲降之四人不屈自成曰諸公皆名將  
助我平天下取封侯可乎眾罵曰汝驛卒敢大言侮  
我自成笑前解其縛世欽唾曰驛卒毋近前汚將軍  
衣自成怒皆殺之世威弟世祿亦死忠顯及都司郭  
遇吉同被執遇吉罵賊死賊惜顯勇繫至神木服毒  
死一城之中婦人死義者數千人井中屍滿賊遂屠  
其城榆林為天下雄鎮兵最精將才最多然其地最  
瘠餉又最乏士常不宿飽乃慕義殉忠志不少挫無  
一屈身賊庭其忠烈又為天下最事

質實

都任字宏  
若祥符人

尤世威以崇禎八年與賊戰盧氏失利解任尋赴虜  
象昇軍自效象昇戰歿自免歸十五年以廷臣薦命  
與弟世祿赴京候調召對中左門復告歸世祿前任  
寧夏摠兵官張鳳翼堂邑人王家錄黃岡人擢闕南

僉事未行惠顯清澗人劉廷傑綏德州人弟廷燮收  
兄殘骸瘞之亦自投閹死侯世祿以崇禎二年勤王  
兵潰坐遣戍後率子弟從軍敘功免戍還籍侯拱極  
世祿子前任山海總兵官王學書前任天津所海總  
兵官董學書都督一元子前任宣州總兵官王榮前  
任彰德參將子師易亦殉難張雲鶚前任戶部主事  
柳芳前任隰州知州彭卿前任真安知縣趙彬前任  
湖廣監紀馬鳴節前任安邊參將尤岱前任山海鐵  
騎營參將李淮前任西安參將鍾茂先官綏德衛指  
揮楊明前任山海關總兵官張發雲鶚子前任定邊  
副總兵尤翟文世咸從弟前任靖邊副總兵王永祚  
前任孤山副總兵李應孝前任西安參將妻女皆自  
縊死陳二典官榆林左營遊擊劉芳屠官右營遊擊  
吳繼武稷山人楊正韓官奇兵營遊擊為撫標中軍  
柳永年官榆林兵備副使中軍馬應舉官靖邊指揮  
與劉光祐柳永年同理副使中軍事惠漸清澗人官

撫邊守備黃廷政世襲榆林衛指揮中礮死廷用廷弼其弟也文經國西寧人掌旗鼓督清街道王世欽前任山海左部總兵官王世國前任宣府柳溝總兵官李昌齡字玉川鎮番衛人為廷綏總兵官數有功以剛直罷徙居榆林郭遇吉官大器營都司本朝乾隆四十一年追諡尤世威忠剛都任忠顯劉廷傑侯世祿王世欽李昌齡忠烈董學書忠節侯拱極王學書王榮馬鳴節尤岱李淮鍾茂先楊明張發尤翟文王永祚李應孝傳德清國臣李國奇吳維新陳二典劉芳馨文侯國吳繼武楊正驊馬應舉尤勉惠漸賀大雷楊以偉李文鯤李文燦黃廷政常懷李登龍孫貴尤養焜白慎銜李宗敘王世國尤世祿郭遇吉烈愍王家錄潘國俊張雲鶚柳芳彭師趙彬崔重觀傳佑節愍劉光裕等並入祠

以吏部侍郎李達泰副都御史方岳貢並兼東閣大學



## 士預機務

建泰先官祭酒頗著聲望尋擢吏部侍郎及是命與岳貢以本官入直岳貢歷郎守監司並以廉能稱召對稱旨超擢副都御史未幾有是命故事質實李建閩人無冠都御史街者岳貢一人而已泰曲沃人方岳貢字四長穀城人

## 十二月周延儒有罪賜死

延儒當國時薦用侯恂范志完督師皆債事又任文選郎中吳昌時交通內侍把持朝局延儒既去山東僉事雷鎮祚糾范志完御史蔣拱宸劾吳昌時賊私鉅萬詞皆連延儒而中言昌時通中官李瑞王裕民洩漏機密重賄入手輒預撥溫告人事頗有迹帝怒甚御中左門親鞠昌時折其脛無所承怒不解拱

宸面許其通內帝察之皆實乃下獄論死始有意謀  
延儒初薛國觀賜死人皆謂昌時致之其門人魏藻  
德新入閤有寵恨昌時甚因與陳演共排延儒錦衣  
路養性復騰蜚語帝遂命盡削延儒職遣緹騎逮入  
京師時舊輔王應熊被召延儒知帝怒甚宿留道中  
俟應熊先入冀為請帝知之應熊既抵京命之歸延  
儒至安置正陽門外古廟上疏乞哀不許法司以成請  
同官申救皆不許及是昌時棄市勒延儒自盡籍其家

質實

蔣拱宸  
井徒人

李自成陷甘州巡撫僉都御史林日瑞總兵馬燝等死

之

先是賊據西安分兵四出寧夏鎮兵逆戰殺賊數千  
賊乃去平涼甫間警韓王及監司以下謀遁去和府

簡仁瑞謁韓王曰殿下輕棄三百許宗社欲何之縱  
賊壓境甘涼諸鎮軍足相援必不能支同死社稷亦  
不辱二祖列宗王不從一夕其護衛卒大譟挾王及  
諸郡王宗室斬關出脅仁瑞行仁瑞曰吾平涼守也  
吾去誰與守韓王遂奔慶陽官吏皆走未幾賊掠城  
下士民數人草降書乞僉名署印仁瑞怒叱責之正  
衣冠自經堂上義民朱保軒孟尚池仰藥死平涼既  
陷屬城皆降獨華亭教諭鄭邦榮訓導何相劉率諸  
生共守城城陷死節時自成已大發兵攻陷榆林憤  
寧夏之敗悲銳薄其城總兵官官撫民以城降中後  
衛城悉陷鄉官雍締闔家自焚死指揮彭凌雲百戶  
鄧德寧與義民王風木糾眾討賊謀泄死賊東勝犯  
慶陽圍數匝參議嚴復興集眾守發礮石殺賊積屍  
滿濠久之勢不支拜辭其母聚妻妾子女于樓寘薪  
其上復乘城督戰城陷趣歸火具樓母亦投火死乃  
持鉄鞭走北門擊殺數賊遂自刎同時死難者推官

新聖居安化知縣袁繼發都司周家彥鄉官麻僖諸  
生石璫李彛其屬城則寧州知州董琬環縣鄉官朱  
國禎張宏遠亦殉難韓王宣璿被執以去將赴漢中  
托于官軍不得入覆其所屬城固縣知縣司五教訓  
導實汝器鄉官張鳳駟方振寰貢生岳中衡過官遂  
遣前鋒渡河入山西而其黨賀錦田見秀等偏掠三  
秦郡縣鞏昌之安定會寧秦安皆先後陷殺其知縣  
應昌士王垣朱呈璫鄉官劉躍龍貢生張國統戴天  
諸生王保民唐維新李州楊毓秀陳周瑞楊中葵劉  
翹名楊九儀王璽薛三戒楊道泰高朝鳳張大才監  
生陳周鼎張大韶移兵逼蘭州蘭州人開門迎賊賊  
渡河涼州莊浪二衛降即進犯甘州日瑞聞賊至急結  
西羌嚴兵以待而自率副將郭天吉等扼諸河干適  
嚴冬河冰合賊踏冰過直抵甘州城下日瑞入城戰  
且守大雪深丈許樹盡介角斡折手足數痕守者咸  
怨賊乘夜坎雪而登城陷執日瑞誘以官不從磔于

市天吉及總兵官馬燦副總兵張攀歐陽袞劉國棟  
遊擊楊威趙宗禮萬垣撫標中軍哈維新都司姚世  
儒姜宏基高登科監統同知藍臺里居總兵官羅國  
傑趙官遊擊李如璋指揮趙宗祝李棲鵬姚天寵張  
洪勳王嘉官趙案和縣段自宏教諭童志道千總劉  
燦貢生張之衡保畝書諸生張名禮張聖翼康國新  
童士楷丁倫康萬秋祁士英醫士貴國興吏員梁進  
法義民朱文選馬騰錦郭世潔並死之居民猶洶洶  
欲殺賊賊乃闔城扉殺其民四萬七千人三邊皆留  
列城望風降惟西寧衛固守不克留賊將賀錦圍之  
賊已無復後顧質實秦安宋約甲城金置秦安縣明  
夏竟長驅而東屬秦州以隸于鞏昌府今升秦  
州為直隸州縣仍屬焉林日瑞字浴元詔安人馬燦  
蔚州人簡仁瑞字季麟榮縣人韓王重璿憲王松十  
二世孫朱傑軒孟尚池皆平涼縣人傑軒閣門殉節  
時有平涼馬夫者佚其姓名隨驛使殺賊被執寸磔

死何相劉乾州人鄧邦蒙援曾子居武城義欲避去  
相劉曰吾輩委質為臣安可以賓師自待邦蒙乃與  
相劉同死莊緒寧夏中衛人官懷仁知縣在籍彭凌  
雲鄧德寧王風木皆寧夏衛人段復興字仲方陽穀  
人新聖居字淑化長垣人推刑部主事未行表繼登  
應天人周家彥靖邊衛人率衆巷戰殺賊數百人自  
刎死麻僖慶陽衛人官太常少卿在籍石琯李彝安  
化人董琬開州人朱國楨官照磨張宏遠官武邑典  
史並在籍司五教內黃人斬諸生為賊內應者以誓  
死守城陷為賊所磔竇汝罷富平人張鳳翽官江西  
巡撫方振寰官福山知縣並在籍應昌士仙居人賊  
倡安定不屈死妻周氏亦遇害王垣四川人以安定  
知縣攝會寧縣事為賊所執脅令說後任令應昌士  
降及登垣勗以死守被害劉躍龍安定人官開封同  
知在籍張國統戴天王保民康維新李洲楊毓秀陳  
周瑞楊中葵劉翹名楊九儀王璽薛三戒楊道泰高

朝鳳張大才陳周鼎張大韶皆安化人保民先保泰  
弟保貞從孫宏毅周瑞弟周哲亦以捍賊被殺郭天  
吉榆林衛人張舉妻卹人力戰死一家俱殉歐陽家  
劉國棟楊威趙宗禮萬垣姜宏基高登科皆甘州衛  
人來焚其妻子巷戰死國棟闔門自焚死威為賊斷  
喉絕脛死宗禮將火其家僕負其子金剛保以逃宗  
禮手刃之家無一人脫者垣從林日瑞殺賊為賊所  
執磔死藍臺光州人羅俊傑副總兵一貫子弟俊士  
亦殉節李如璋同子起鳳祥鳳集鳳射賊皆被殺趙  
宗祝與子寒自刎妻妾亦投繯死李栖鵲張洪勳王  
嘉官皆巷戰力竭自刎姚天寵迎戰被殺家人皆自  
焚死段自宏官太湖知縣在籍捐貲餉士城陷自刎  
童志道官靖遠衛教諭在籍劉燦副總兵國棟子  
本朝乾隆四十一年遇諡林日瑞馬壙段復興郭天  
吉忠烈雍締彭凌雲靳聖居周家彥司五教劉躍龍  
張攀歐陽家劉國棟楊威趙宗禮萬垣哈維新姚世

儒姜宏基高登科羅俊傑趙官趙宗祝李棲鵬姚天寵張洪勳王嘉官段自宏烈愍簡仁瑞袁繼登董琬方振家應昌士王垣藍臺李如璋節愍朱傑軒等及平涼馬夫並入祠

甲申

崇禎十七年

是年三月流賊陷京師五月福王由崧稱帝于南京我

大清

世祖章皇帝順治元年

臣等謹按前代史家書法體例攸殊每於歷朝體代之際各存私見意有偏向轉至失實如續綱目於元順帝至正二十七年即分注明年元主北奔而繫以元亡去二十八年為洪武元年且順帝十五年明祖起兵後于元之政事即別書元以表異欽惟我



通鑑輯覽將成  
司事者舉通鑑  
綱目三編之例  
於甲申歲欲大

皇上折衷至義悉準大公於編纂通鑑輯覽時  
特諭館臣以進退予奪關繫萬世公論必斟酌持平推

衡始協明崇禎十七年明統猶存仍當大書紀歲  
即福王偏立江左尚可比于宋代建炎之例年號  
仍從分注而提綱則書明字以別之直至蕪湖被  
執始大書明亡仰見

聖人筆削必辨統存實祛史家之私議揭持世之閔綱  
以視春秋謹嚴古今一揆茲臣等奉

命訂綱目三編敬遵  
御旨排纂義例昭然我

皇上垂法萬世之微意信可  
懸諸日月而朽矣

春正月朔李自成僭號于西安

自成久覲尊號懼張獻忠為患既入秦通好獻忠獻  
忠厚幣遜詞以報之自成喜遂僭稱王改名自晟國

書順治元年分  
注崇禎十七年  
于下且凡勝朝  
事皆別書明而  
于李自成陷京  
師即繫以明亡  
余曰不可夫三  
編之例非洋編  
編之例乎續編  
于元順帝二十  
七年即分注明  
年元主北奔而  
繫以元亡去至  
正二十八年為  
洪武元并且自  
順帝十五年明

號大順改元永昌追尊其曾祖以下加謚號以李繼  
遷為太祖設天佑殿大學士以牛金星為之增置六  
政府尚書等偽官以宋企鵝為吏政尚書陸之祺為  
戶政尚書單靖為禮政尚書張嶙然為兵政尚書復  
五等爵大封功臣侯劉宗敏以下九人伯劉體純以  
下七十三人子三十人男五十五人定軍制有一馬  
僦行列者斬之馬騰入田苗者斬之籍步兵四十萬  
馬兵六十萬令宏文館學士李化鱗等草檄諭遠  
近指斥乘輿有云君非甚暗孤立而場竈恒多臣盡  
行私比黨而公忠絕少又云獄囚纍纍士無報禮之  
心征斂重重民有偕亡之痛見者無不扼腕是日大  
雨霾黃霧四塞有邱從周者都司吏也長不滿三尺  
素懷義憤伺自成出乘醉直至其前戰手罵曰若一  
貧賤細民今妄據王府僭稱偽號逆天背理吾見汝  
屍之萬段也自成質實張嶙然歸安人  
大怒立斫殺之李化鱗韓城人

祖起兵之後于  
凡元政即別書  
元以示異雖臣  
各私其君之美  
也而朕實鄙之  
蓋以理責人者  
必先以理自處  
天下者天下之  
天下非一家之  
天下也言悖而  
出者亦悖而入  
居今之時朕止  
明而尊本朝如  
明之于元其誰  
曰不可然朕不  
為也通鑑輯覽  
之書非一時之

## 李建泰自請督師剿賊許之

自咸初逼山西建泰慮鄉邦被禍家富于貲可藉佐  
軍毅然有滅賊志常與同官言之會帝聞自成僭號  
大驚且嘆曰朕非亡國之君事事皆亡國之象祖宗  
梯風沐雨之天下一朝失之何面目見于地下朕願  
督師親決一戰身死沙場無恨但死不瞑目耳語畢  
痛哭陳演蔣德璟諸輔臣請代俱不許建泰頓首曰  
臣家曲沃願出私財餉軍不煩官帑請提師以西帝  
大喜慰勞再三曰卿若行朕當仿古推轂禮遂加建  
泰兵部尚書賜尚方劍便宜從事行遣將禮以特牲  
告太廟帝御正陽門樓衛士東西列自午門抵城外  
旌旗甲仗甚盛內閣五府六部都察院掌印官及京  
營文武大臣俱侍立鴻臚贊禮御史糾儀賜之宴御  
席居中諸臣陪侍酒七行帝手金卮親酌建泰者三  
乃出手勅曰朕親征建泰頓首謝且辭行帝目送

書乃萬世之書  
于正統偏安之  
蒙必公必平天  
命人心之驚必  
嚴必謹且正編  
續編既一正其  
自視尊大之陋  
習而顧于本朝  
嬖佞之際有所  
偏向是不有惑  
于心而貽來世  
之譏乎於于甲  
中歲仍命大書  
崇禎十七年分  
書順治元年以  
別之即李自

之行數里所乘肩輿忽折衆以為不祥建泰以宰輔  
督師兵食並絀所搆止五百人甫出都聞曲沃已破  
家貲盡沒驚悸稱病日行三十里士卒多道亡至定  
興城門閉不納留三日攻破之皆其長吏抵保定賊  
鋒已逼知府何復同知邵宗元方守城建泰叩城求  
入宗元等不許建泰以尚方劍恐之或曰金御史疏  
峒監軍亟推出視信質實何復字見元平度人邵宗  
元字景康碭山人金疏峒  
保定衛人本朝乾隆四十一年何復  
追諡烈愍邵宗元金疏峒俱追諡忠烈

### 南京地震

是月庚寅鳳陽地震至  
是乙卯南京地又震

以工部尚書范景文禮部侍郎邱瑜並兼東閣大學士

開京師亦不遠  
書明亡而福王  
弘光元年亦今  
分注于下必俟  
次年福王于江  
寧被執而後書  
明亡夫福王設  
於江南能自立  
未嘗不可為南  
北朝如宋鼎崇  
之例也而崇其  
日即愴淫以致  
天命去而人心  
失是非開勦者  
欲究我兵而  
實守成者自失  
其神器也若夫

## 預機務

先是景文擢兵部添注左侍郎練兵通州通鎮初設  
兵皆召募景文綜覈有法治軍精嚴嘗請有司實行  
一條鞭法徭役歸之官民稍助其費供應平買不立  
官價名帝令永著為例繼拜兵部尚書以事削籍後  
起用改工部至是李建泰出督師景文遂以本官與  
瑜同入閣輔政帝曰朕知卿久今急而用卿恨晚卿  
尚勉之景文請釋繫獄張國維等帝立從其言李自  
成漸逼京師有請帝南幸者命集議閣中景文言固  
結人心堅守待援而已此  
外非臣所知帝是其言  
質實  
請釋繫獄張國維  
等崇禎十六年我  
大清兵入畿輔張國維檄趙老朴拒螺山八總兵之師  
皆潰言者詆國維乃解職下獄至是范景文請釋之

## 張獻忠入四川

唐王桂王窮竄  
邊隅苟延旦夕  
此正與宋之帝  
昺帝是同例不  
可仍以正統屬  
之用以示萬世  
守成之主思天  
命人心之難誑  
凜凜乎惴惴乎  
保祖宗所貽留  
為臣民所繫屬  
而不敗謀恃書  
法之可有焉下  
馬庶幾朕慕通  
鑑輯覽之本意  
或不失春秋大

獻忠自荊州趨蜀陷夔州石柱上官泰良王馳援兵  
寡敗歸獻忠至萬州水漲留屯三月已破涪州進陷  
佛圖關時四川巡撫陳士奇已謝事駐重慶或勸之  
去士奇不可與副使陳縝知府王行儉知縣王錫等  
竭力拒守賊抵城下擊以滾礮賊死者無數黑夜密  
雲四布賊穴地轟城遂陷士奇等皆被執士奇大  
罵賊縛于教場時瑞王常浩避闖賊自漢中來奔亦  
與焉指揮顧景泣告獻忠曰寧殺吾無害帝子賊怒  
逆害王并殺景天忽無雲而雷者三賊有震者獻忠  
仰天訴曰我殺人何與天事用大礮向天叢擊俄晴  
霧遂霽慘慘士奇質實按泰良王夔州敗歸慷慨語  
等罵不絕口而死其衆曰吾兄弟二人皆死王  
事吾以一孱婦人蒙國恩二十年今不幸至此其敢  
以餘生事逆賊哉悉召所部將曰有從賊者族無赦  
乃分兵守四境後賊招土司獨無敢至石柱者瑞王  
常浩神宗第五子天啟七年之藩漢中及寇逼將吏

不能救乞師于蜀遂奔重慶隴西士大夫俱挈家以從張獻忠臨重慶被執遇害從死者甚衆陳士奇字平人漳浦人陳鍾祥字質行宜興人王錫新建人顧景星系無考本朝乾隆四十一年追諡陳士奇王行儉王錫忠烈陳鍾節愍顧景烈愍

## 二月李自成陷太原別遣將犯畿南陷真定

自成渡河連破蒲州汾州知府侯君招知汾陽縣劉必達俱死之遂攻太原先是蔡懋德出師平陽以疲兵三千當百萬狂寇而太原內訌晉王又手檄趣懋德還省懋德于十六年十二月十八日遂去平陽二十日賊抵河津副將陳尚智失守奔還平陽二十二日賊拔平陽尚智出走二十八日懋德還太原至是山西巡按御史汪宗友上言曰晉河二千里平陽居其半撫臣懋德不待春融冰泮遽爾平陽近旆賊即

于明日報沒矣隨行馬步千人即宜倍道西向召集  
陳尚志叛卒移檄各路防兵援勦乃不發一矢終歲  
至省匝月餘郡皆失是誰之過歟有詔奪官候勘時  
陳尚志叛降于賊于是懋德誓師于太原官吏軍民  
咸在懋德哭衆皆哭罷官命適至或請出城候代懋  
德不可曰吾已拼一死逆調兵堅守賊薄城下遣部  
將牛勇朱孔訓王永魁等出戰死之懋德草遺表調  
部將張雄守大南門雄已縋城降賊語其黨曰城東  
南角樓火器火藥皆在我下即焚樓夜中火起風轉  
烈守者皆散賊遂登城懋德北面再拜出遺表付人  
間道達京師即自刎麾下持之時中軍副總兵應時  
盛請下城巷戰顧懋德曰上馬懋德上馬時盛持矛  
突殺賊數十人既而賊騎充斥時盛呼曰出西門懋  
德遽下馬曰我當死封疆諸君自去衆復擁懋德至  
水西門懋德叱曰欲陷我不忠耶復下馬據地坐時  
盛已出城殺妻子還顧不見復斫門入語懋德曰請



與公俱死。懋德就縊，未絕時，盛釋巾，加其肩，乃絕。時盛取弓，絃自經，死。其同時自刎者，為牛勇、朱孔訓、王永魁等。其餘官吏，則有布政使趙建極、罵賊死副使毛文炳，被執不屈死。其妻趙氏、李氏、陳氏俱投井死。參議蘭剛中、僉事畢拱辰、知府孫康周同、知李一清、長史范志泰、副將惠光祚俱不屈死。都司張宏業自縊死。其妻趙氏子凝秀俱殉死。指揮韓似雍、千戶王德新、晉府典仗官樊子英等皆城陷殉節死。賊入城，脅晉王求挂執之，遂連陷黎城。臨晉、潞安、執藩世子進，攻代州。總兵周遇吉力拒，食盡退守寧武。賊遂抵故關，分兵趨真定。檄總督徐標降，標斬其使，率衆拒守。真定知府邱茂華與中軍謝加福害之以城降。賊賊乃攻彰德。所實臨晉、晉桑泉、地隋置桑泉縣。唐趙王常洵亦降。所實分置溫泉縣，後改臨晉縣。宋金仍舊元以虞鄉縣省入明，屬平陽府。今屬蒲州府。故關在井陘縣西界，接山西平定州。晉王求挂晉恭王。

桐十世孫賊脅入北京後不知所終瀋世子瀋簡王  
模後簡王封路故瀋府在路安趙王常洵趙王高燧  
後萬歷時穆王常清薨世子由松前卒弟壽光王由  
桂子慈憐嗣薨無子又以穆王弟常洵嗣侯君招商  
州人劉必達陝西山陽人蔡懋德字公虞崑山人應  
時盛遼東人牛勇朱孔訓王永魁里系無考趙建極  
河南永寧人毛文炳鄭州人蘭簡中字坦生陵州人  
畢拱辰字星伯振州人孫康周字晉侯安邱人范志  
泰虞城人張宏業忻州人徐標字準明濟寧州人  
本朝乾隆四十一年追諡蔡懋德忠恪應時盛忠烈  
劉必達趙建極畢拱辰孫康周等俱烈愍侯君招毛  
文炳蘭剛中范志泰張宏業韓似雍等俱節愍徐標  
忠節牛勇朱孔訓王永魁  
王德新樊子英等俱入祠

下詔罪已

莊烈手除逆黨  
宦官之惡固所  
稔知而始終不  
免于偏徇甚至  
軍旅大事亦令  
參預如高起潛  
等喪師辱國嫉  
妬冒功前既縱  
惡已甚即寇氛  
日迫亦半由其  
撓權掣肘敗壞  
封疆又豈可終  
任刑餘以資捍  
衛乃當危急存  
亡之會而外則  
各邊監視內則  
乘城守陴復恣

詔畧曰朕嗣守鴻緒十有七年深念上帝陟降之威  
祖宗付託之重宵旦兢惕罔敢怠荒乃者災害頻仍  
流氛日熾赦之益驕撫而輒叛甚有受其煽惑頓忘  
敵愾者朕為民父母不得卵翼之民為朕赤子不得  
懷保之罪非朕躬誰任其責所以使民罹鋒鏑蹈水  
火殫量以整骸積戾邱者皆朕之過也使民輸芻輓  
粟居送行齋加賦多無藝之征預支有稱貸之苦者  
人朕之過也使民室如懸磬田卒污萊望烟火而無  
門號冷風而絕命者又朕之過也使民日月告凶旱  
潦薦至師旅所處疫癘為殃上千天地之和下叢室  
家之怨者又朕之過也至于用大臣而不法用小臣  
而不廉言官植黨而清議不聞武將驕懦而軍功不  
奏皆由朕撫馭失道誠慮未孚中夜此心跼蹐無地  
朕自今痛加創艾深省夙愆要在惜人才以培元氣  
守舊制以息煩囂行不忍之政以收人心蠲額外之  
科以養民力其罪廢諸臣有公忠正直廉潔幹才尚

委之宦官未幾而鳴鑼火逆接踵迎降富貴國在之言若輩國甘心賣國均亮不如而莊烈盛感滋深沾危不悟可嘆亦可恨也

堪用者不拘文武吏兵二部確覈推用草澤豪傑之士有恢復一郡一邑者授官世祿即過沒脇從之流能舍逆反正率衆來歸許赦罪立功能擒闖猷二賊仍予封侯之賞忠君愛國人有同心雪恥除凶誰無公憤尚懷祖宗之厚澤助成底定之大勲思克厥愆歷告朕意于是發帑金五千治守具左都御史李邦華密請南遷及太子撫軍江南皆不報邦華又請定永二王分封太平寧國二府拱護兩京帝得疏意動繞殿行且請且嘆將行具言會帝召對羣臣中允李明睿疏言南遷便給事中光時亨以倡言泄密糾之帝曰國君死社稷正也朕志定矣遂罷邦華策不議及賊勢急復遣內臣高起潛杜勳等分監邊鎮及畿輔要

實實

李明睿南昌人  
光時亨桐城人

發明

明事至此存亡在于呼吸矣而猶遣內臣監邊鎮守畿輔一切要地界之宵小于是若輩

守守城事百官皆不敢問雖有忠義之士且為掣肘而莫可如何卒之賣國售奸如杜勳杜之秩等即以所守關城降賊而曹化淳旋復開門迎賊觀勳勤求禪位及我輩富貴固在之言可勝痛恨哉夫有明蠹政莫甚于信用內臣監軍鎮守覆轍累累莊烈際危急之秋尚不惜躬蹈其敗可謂至死不悟者矣歐陽修五代史傳論有云自古官者之禍深矣明者未形而知懼暗者患及而猶安焉至於亂亡而不可悔也信夫

## 陳演罷

演與魏藻德排去周延儒演遂為首輔帝倚信演臺省附延儒者盡趨演門當是時國家累卵中外舉知其不支演庸才寡學一無籌畫顧以賄聞及李自成陷陝西逼山西延議撤寧遠總兵吳三桂兵入守山

海關策應京師帝意亦然之演持不可後帝決計行之三桂始用海船渡遼民入關往返者再而自成已陷宣大矣演懼不自安引疾求罷詔許之賜道里費五十金彩幣四表裏乘傳行演既謝事劉遠總督王永吉上疏力抵其罪請置之典刑演入辭自言佐理無狀帝怒曰汝一死不足蔽辜叱之去演貲多不能遽行遂留京師

李自成陷寧武關總兵官周遇吉力戰死之

初遇吉駐代州憑城固守而潛出兵擊賊連數日殺賊無算會食盡援絕退保寧武賊亦踵至大呼五日不降者屠其城遇吉四面發大礮殺賊萬人火藥且盡外國轉急或請甘言紿之遇吉怒曰若輩何怯耶今能勝一軍皆忠義即不支縛我予賊于是設伏城內出弱卒誘賊入城急下閘殺數千人賊用礮攻城

圯復完者再傷其四驍將自成懼欲退其將曰我衆百倍于彼但用十攻一更番進蔑不勝矣自成從之前隊死後復繼官軍力盡城遂陷遇吉巷戰馬蹶徒步跳盪尚格殺數十人身被矢如蝟竟為賊執大罵不屈賊懸之高竿叢射殺之遇吉妻劉氏素勇健率婦女數十人據山巔公廨登屋而射每一矢斃一賊賊不敢逼縱火焚之闔家盡死城中士女無降者自成集衆計曰此去歷大同陽和宣府居庸皆有重兵倘盡如寧武奈何不如且還俟再舉而大同總兵姜瓖宣府總兵王承允降表相繼至自成大喜遂長驅而質寶

周遇吉 本朝乾隆四十一年追諡忠武

三月大同總兵官姜瓖宣府監視太監杜勳俱降于李自成

自成至大同巡撫衛景瑗不知瑯已降賊歟血要與  
共守瑯布訛言謂衛巡撫秦人將應賊代王果疑之  
不見景瑗會景瑗有足疾不時出兵事瑯主之瑯兄  
瑄故昌平總兵也勸瑯降賊瑯慮其下不從人攜之  
銀言勵守城將士代王信之諸郡王分門守瑯每門  
遣卒二百人助守至三月朔賊抵城下瑯即開門迎  
賊入紹景瑗計事景瑗乘馬出始知其變也自墜馬  
下賊執之見自成自成欲官之景瑗據地坐大呼皇  
帝而哭賊義之曰忠臣也不殺景瑗碎起以頭觸階  
石血淋漓賊引出顧見瑯罵曰反賊與我盟而叛神  
其赦汝耶賊使景瑗母勸之降景瑗曰母年八十餘  
矣當自為計兒國大且不可以不死母出景瑗謂人  
曰我不罵賊者以全母也自縊于僧寺賊嘆曰忠臣  
移其妻子空舍戒毋犯殺代王傳燁及其宗室殆盡  
分巡副使朱家仕盡驅妻妾子女入井而已從之死  
者十有六人督儲郎中徐有聲山陰知縣李倬亦死



之諸生李若蔡亦自經死賊至宣府巡撫朱之馮集  
將吏于城樓歃血誓死守懸賞格勵將士而人心已  
散監視中官杜勲且與總兵王承允爭先納款矣見  
之馮請以城下賊之馮大罵曰勲爾帝所倚信特遣  
爾以封疆屬爾爾至即通賊何面目見帝勲不答笑  
而去俄賊且至勲蟒袍鳴騶迎三十里外將士皆  
散之馮登城太息見大礮語左右為我發之默無應  
者自起焚火則礮孔丁塞或從後掣其肘之馮撫膺  
歎曰不意人心至此仰天大哭賊至城下承允開門  
納之訖言賊不殺人且免徭賦則舉城譁然皆喜結  
彩焚香以迎左右欲擁之馮出走之馮叱之乃南向  
叩頭草遺表勸帝收人心厲士節自縊而死賊棄屍  
濠中濠旁犬日食人屍獨之馮無損也同日死者督  
糧通判朱敏泰諸生姚時中副將甯龍及繫獄總兵  
官董用文副將劉九卿及里居知縣質實代王傳燁  
中以孝其他婦女死義者又十餘人簡王桂十

世孫衛景瑗字仲玉韓城人朱家仕河州人徐有聲  
金壇人李倬陝西人李若蔡山陰人朱之馮字樂三  
大興人朱敏泰太原人姚時中保安人甯龍董用文  
劉九卿里系無考申以孝宣府人本朝乾隆四十  
一年追諡衛景瑗朱之馮忠節徐有聲烈愍朱家仕  
李倬李敏泰甯龍董用文劉九卿申以孝俱節愍李  
若蔡姚時中入祠

### 蔣德璟罷

延儒為相各樹門戶德璟無所比性頗直黃道周召  
用劉宗周免罪德璟之力居多開封久被圍自請馳  
督諸將戰優詔不允嘗進御覽備邊冊凡九邊十六  
鎮新舊兵食之數及屯鹽引運漕糧馬價悉志焉已  
進諸邊撫賞冊及御覽簡明冊帝深嘉之諸邊士馬  
報戶部者浮兵部過半耗糧居多而屯田鹽引民運

每鎮至數十百萬一聽之邊臣天津海道輸蘄運歲  
豆米三百萬惟倉場督臣及天津撫臣出入部中皆  
不稽覈德璟語部臣合部運津運各邊民運屯鹽通  
為計畫餉額可足而加派之餉可裁因復條十事以  
責部臣然卒不能盡釐也一日召對帝語及練兵德  
璟曰會典高皇帝教練軍士一以弓弩刀鎗行賞罰  
此練軍法衛所總小旗補役以鎗勝負為升降凡武  
弁比試必騎射精嫻方准罷替此練將法豈至今方  
設兵帝為悚然又言祖制各邊養軍止屯鹽民運三  
者原無京運銀自正統時始有數萬迄萬厯末亦止  
三百餘萬今則遼餉練餉并舊餉計二千餘萬而兵  
反少于往時耗蠹乃如此又言文皇帝設京衛七十  
二計軍四十萬畿內八府軍二十八萬又有中部大  
寧山東河南班軍十六萬春秋入京操演深得居重  
馭輕之勢今皆虛冒且自來征討皆用衛所官軍嘉  
靖末始募兵遂置軍不用至加派日增軍民兩困願

憲章二祖修復舊制帝是之而不果行戶部主事蔣  
目請行鈔法言歲造三千萬貫一貫價一兩歲可得  
銀三千萬兩帝特設內寶鈔局晝夜督造募商發賣  
無一人應者德璟言百姓雖愚誰肯以一金買一紙  
帝不聽又因局官言責取桑穰二百萬斤于畿輔山  
東河南浙江德璟力爭獲免先以軍儲不足歲餉幾  
輔山東河南富戶給值令買米豆輸天津多至百萬  
民大擾德璟因召對面陳其害帝即令擬諭罷之至  
是賊氛漸逼李建泰自保定疏請南遷帝召廷臣于  
平臺諭曰國君死社稷朕將焉往德璟與少詹事項  
煜請命太子往江南帝不答給事中光時亨追論練餉  
之害德璟擬旨向來聚斂小人倡為練餉致民窮禍  
結誤國良深帝不悅詰曰聚斂小人為誰且曰朕非  
聚斂但欲練兵耳德璟曰陛下豈肯聚斂然既有舊  
餉五百萬新餉九百餘萬復增練餉七百三十六萬  
臣部實難辭責且所練兵馬安在薊督練四萬五千

今止二萬五千保督練三萬今止二千五百保鎮一  
萬今止二百若山永兵七萬八千薊寧兵十萬昌平  
兵四萬宣大山西及陝西三邊各二十餘萬一經抽  
練原額兵馬俱不問并所抽亦未練徒增餉七百  
餘萬為民累耳帝曰今已并三餉為一何必多言德  
璟曰戶部雖并為一州縣追比仍是三餉帝震怒責  
以朋比德璟力辯諸輔臣為申救尚書倪元璐以鈔  
餉乃戶部職自引咎帝意稍解明日德璟具疏引罷  
帝雖旋罷練餉而德璟竟去位德璟聞山西陷未敢  
行辭朝後即移寓外城無何都城陷得逸去而李建泰  
在保定賊亦尋至其部下為賊內應城遂陷知府何  
復同知邵宗元御史金毓峒及中官方正化鄭官張  
羅俊等皆不屈質實張羅俊字子仲清苑人本朝  
死建泰竟降賊乾隆四十一年追諡烈愍餘見前

封總兵官吳三桂唐通左良玉黃得功俱為伯

詔封三桂平西伯通定西伯良玉寧南  
伯得功靖南伯並徵諸鎮兵俱入援

李自成犯居庸守將唐通太監杜之秩以關降

通先以兵入衛命與杜之秩同守居庸已而自成至  
通與之秩俱降賊遂入關昌平焚十二陵總兵官  
李守鐸力戰死始自成欲知京師虛實往往遣其徒  
輦重寶賈販都市又令充部院掾吏探刺機密朝廷  
有謀議千里立馳報及是昌平已陷兵部發騎偵探  
輒被勾去無一還者賊遊騎至平則門都人猶未知  
也帝召問羣臣莫對有泣者頃之賊還攻九門門外  
先設三大營賊至悉降守門者寥寥益以內侍內侍  
專守城事百司皆不敢問十八日丙午自成設座彰  
義門外降賊太監杜勲侍呼城上人請入城見帝監  
視太監曹化淳等總之入內勲盛稱賊勢請帝自為  
計帝怒叱之出手書親征詔召駙馬都尉鞏永固以

家丁護太子南行永固叩頭曰親臣不質實平則門

耕錄

元京師城十一門其正西曰和義西之右曰肅清西之左曰平則按明猶稱阜成門為平則門仍元舊也九門明正統十年定九門南曰正陽南之左曰崇文右曰宣武北之東曰安定西曰德勝東之北曰東直南曰朝陽西之北曰西直南曰阜成彰義門金之正西門新城築于明嘉靖中其西門曰廣寧而都人至今以彰義呼之李守鏐里系無考

本朝乾隆四十一年逆誣烈愍

## 京師陷帝崩

杜勳既叱出曹化淳等復縋之下城勳顧謂曰吾輩富貴固在也及日晡化淳遂啟彰義門賊盡入帝出宮登煤山望見烽火徹天嘆息曰苦我民耳徘徊久之還宮命分永太子永定二王于周奎田宏遇第以

劔斫長平公主嘆曰汝何故生我家趣皇后自盡后  
即承旨自經又斫殺妃嬪數人十九日丁未昧爽內  
城亦鳴鐘集百官無至者帝乃復登煤山書衣襟  
為遺詔曰朕涼德藐躬上千天咎致逆賊直逼京師  
皆諸臣誤朕朕死無面目見祖宗自去冠冕以髮覆  
面任賊分裂無傷百姓一人以帛自縊于山亭遂崩  
太監王承恩繼于側李自成獲笠綵衣乘烏駝馬入  
承天門偽太學士牛金星偽尚書宋企郊等騎而從  
登皇極殿下令大索帝后期百官三日朝見已知帝  
后崩自成命以宮扉載出盛柳棺置東華門外百姓  
過者皆掩泣尋遷殯昌平州之士民率出錢募夫  
塋之田妃墓內斬蓬蘽而封之一切簡率時臨危殉  
難者文武諸臣則有大學士范景文尚書倪元璐左  
都御史李邦華協理京營兵部右侍郎王家彥刑部  
右侍郎孟兆祥右副都御史施邦曜大理寺卿凌義  
渠太常少卿吳麟徵右庶子周鳳翔左諭德馬世奇



左中允劉理極檢討汪偉太常寺丞中佳允給事中  
吳甘來御史王章陳良謨兵部郎中成德吏部員外  
郎許直兵部員外郎金鉉御史趙謨以及指揮同知  
劉宗嗣都督僉事賀讚工部員外郎王鍾彥鎮撫司  
僉事李若璉削籍吏部尚書李過知兵部侍郎王家  
禎家居按察副使顧國縉工部尚書何應瑞都指揮  
僉事魏師貞參將高鏗工科給事中尹洸郎中周之  
茂通判張維綱守備楊儒秀張大同萊州推官張力  
指揮同知許達允順天通判張疑和御史俞志虞陳純  
德員外郎甯承烈范方中書宋天顯光祿寺署丞于  
騰雲都督方履泰千戶李國祿指揮同知李若珪濮  
州知州馬象乾大同總兵朱三樂密雲副總兵呂應  
蛟保定左衛指揮文運昌劉洪恩戴世爵劉元靖呂  
九璋李一照李一廣光祿寺少卿張羅彥邠州知州  
韓東明南宮知縣彭士宏中書王永隆指揮使蕭侶  
郎中葛凝秀冠可教主事楊會英沈邱知縣李昌齡

太醫院吏目楊元真定督標遊擊陳三捷虎賁左衛  
叅軍季正光右都督劉繼祖指揮馬國城郎中張樞  
芳員外張三傑指揮張養所高甲虎賁右衛指揮使  
劉一松張國維主事陳貞達都指揮梁德宏榮陽知  
縣徐兆任樂亭知縣施溥博樂知縣徐有度平涼同  
知郭寅兵馬司指揮姚成等共八十餘人布衣殉難  
者湯文瓊最著而慕義蹈死不下百餘人熱威則宣  
城伯衛時春惠安伯張慶臻彰武伯楊崇猷寧遠伯  
李尊祖彭城伯張光祖定遠侯鄧文明鎮遠侯顧肇  
迹西寧侯宋裕德清平侯吳遵周陽武侯薛源恭順  
侯吳汝徵新城侯王國興新樂侯劉文炳駙馬都尉  
鞏永固左都督劉岱皆同時死又宮人魏氏費氏亦  
殉難死賊既入城汙殿庭越三日已酉昧爽成國公  
朱純臣大學士魏藻德陳演率文武百官入賀皆素  
服坐殿前自成不出羣賊爭戲侮為推背脫帽或舉  
足加頸上相笑樂百官懾伏不敢動陳演勸進不許

封太子為宋王放刑部錦衣衛繫囚自成自居西安  
時建置官吏至是益盡改官制六部曰六政府司官  
曰從事六科曰諫議十三道曰直指使翰林院曰宏  
文館太僕寺曰驗馬寺巡撫曰節度使兵備曰防禦  
使知府州縣曰尹曰牧曰令召見朝官自成南向坐  
金星宗敏金郊等左右雜坐以次呼名分三等授職  
自四品以下少詹事梁紹陽楊觀光等無不汚偽命  
三品以上獨用故侍郎侯恂其餘勲戚文武諸臣奎  
純臣演藻德等共八百餘人送宗敏等營中拷掠責  
賂賂至灼肉折脛備諸慘毒藻德過馬世奇家人泣  
曰吾不能為若主今求死不得賊又編排甲令五家  
養一賊大縱淫掠民不勝毒縊死相望徵諸勲戚大  
臣金金足輒殺之焚太廟神主時賊黨陷保定李建  
泰降畿內府縣悉附山東河南編設官吏所至無遺  
者自成謂真得天命金星率賊眾三表勸進乃從之  
令撰登極儀詠吉日及自成升御座忽見神人長數

大手劔怒視座下龍爪鬚俱動自成恐亟下鑄金壘及永昌錢皆不就聞山海關總兵吳三桂起兵乃謀

歸陝質實臣等謹按明史李自成傳有遷明太祖神主于帝王崩一事考自成于甲申三月入

京大縱剽掠即焚明太廟神主肆為毒虐安知有遷主之禮四月我

大清兵至山海關自成出拒敗潰奔還京師始僭號次日即西走更無暇及此是特裨野所載明史採用之

不足據信且恭查我

世祖章皇帝實錄五月睿親王定燕京六月遣大學士馮銓

祭故明太祖及諸帝且為文祭告以明太祖神牌入帝王廟是移主之事至睿親王定燕京後乃行之仰

見我

聖朝優禮勝國雖屋社之餘猶念其曾有天下特遣官

祀告移置以禮俾得崇祀千秋如天之度超軼前代而傳聞之不足信亦于此可見矣煤山北上門之南

曰壽皇殿殿之東曰永壽殿曰觀德殿殿之南則萬  
歲山俗所云煤山也田宏遇陝西人田貴妃父貴妃  
先卒塋于鹿馬山長平公主年十六帝選周顯尚主  
將嫁以寇警暫傳及城陷帝入壽寧宮主牽帝衣哭  
帝曰汝何故生我家以劍揮斫之斷左臂又所昭仁公  
主于昭仁殿越五日長平主復甦本朝順治二年上書

詔言九死臣妾跼蹐高天願覲縉空王稍申罔極  
不許令顯復尚故主土田邸第金錢車馬錫予有加  
主涕泣踰年卒范景文嘗城陷赴至宮門知駕出就  
道旁廟草遺疏復大書曰身為大臣不能滅賊雪恥  
死有餘恨遂至演象所拜辭闕墓赴雙塔寺旁古井  
死景文死時猶謂帝南幸也其妾聞之即自經死福  
王時贈太傅本朝順治九年追諡文忠倪元璐字  
玉汝上虞人元璐聞難整衣冠拜闕大書几上曰南  
都尚可為死吾分也勿以衣衾殮暴我屍耶志吾痛  
遂南向坐取帛自縊而死一門殉節者十三人福王

時贈少保吏部尚書 本朝順治九年追諡文正李  
邦華時率諸御史登城羣奄拒之不得上外城陷走  
宿文信國祠及內城復陷乃揖信國曰邦華死國難  
請從先生于九京作絕命詞投繯而死福王時贈太  
保吏部尚書 本朝順治九年追諡忠肅王家彥字  
開美莆田人時廷臣分門守家彥守安定門帝手勅  
兵部尚書張縉彥登城察視家彥從中官固拒示之  
手勅問杜勳安在曰去矣秦晉二王欲上城家彥曰  
二王降賊即賊也賊安得上頓足哭縉彥詣宮門  
請見不得入黎明城陷家彥投城下不死自縊于民  
舍遭賊焚殘一臂僕收其餘體焉福王時贈太子太  
保兵部尚書 本朝順治九年追諡忠毅孟兆祥字  
允吉交河人兆祥奉命分守正陽門城陷兆祥曰社  
稷已覆吾將安之自經門下子章明字綱宜甫成進  
士兆祥揮之曰我死汝可去對曰君亡父死我何生  
為乃投繯于父側兆祥妻呂氏章明妻王氏同日並

鑑福王時贈北祥刑部尚書章明河南道御史本朝  
順治九年追諡北祥忠靖章明貞孝施邦曜當賊薄  
近郊邦曜語兵部尚書張縉房檄天下兵勤王弗省  
邦曜太息去城陷趙長安門開帝崩惕哭曰君殉社  
稷目子可偷生哉即解帶自經僕救之復蘇恨曰是  
免誤我賊滿衢巷不得還邸舍望門求鑑輒為居民  
所麾乃命僕市信石雜燒酒即途中服之血逆裂而  
卒福王時贈太子少保左都御史本朝順治九年  
追諡忠愍凌義渠得帝崩問負牆哀號以首觸柱流  
血被面門生勸無死義渠厲聲曰當以道義相勗何  
姑息為揮仗去據几端坐乃取平生所好書盡焚之  
曰無被賊手污也服緋正笏向闕拜復南向稽首作  
書辭父自繫奮身絕吭而死福王時贈刑部尚書  
本朝順治九年追諡忠介吳麟徵字聖生海鹽人麟  
徵奉命守西直門門當賊衝賊詐為勤王兵求入中  
官欲納麟徵不可以土石塞其門募死士鉅城嚴擊

多斬獲及城陷入道旁祠作書訣家人令殮用角巾  
青衫覆以單衾以志哀痛自經死方賊陷山西時薊  
遼總督王永吉請撤寧遠吳三桂兵守關門即京師  
警旦夕可援天子下其議麟徵深以為然獨疏奏數  
百言不省及烽火徹大內帝始悔不用麟徵言城破  
時八門齊啟獨西直門堅塞不能通後發掘乃開福  
王時贈兵部右侍郎本朝順治九年追諡貞肅周  
鳳翔字儀伯山陰人都城陷或有傳帝南幸者鳳翔  
趨入朝見魏藻德陳演等羣入而自成方據御座鳳  
翔至殿前大哭急從左掖門出賊亦不問歸至邸作  
書辭二觀題詩壁間自經死福王時贈禮部右侍郎  
本朝順治九年追諡文忠馬世奇當城陷世奇方  
早食投箸起問帝安在東宮二王安在或言帝已出  
城或言崩或又言東宮二王被執世奇曰吾不死安  
之其僕曰如太夫人何世奇曰正恐辱太夫人耳作  
書別母肅衣冠捧所署司經局印望闕再拜自經妾



李氏朱氏並先繼死福王時贈禮部右侍郎 本朝  
順治九年追諡文肅劉理順字復禮杞縣人幾補告  
警理順疏陳作士氣矜窮民簡良吏定師期信賞罰  
招脅從六事及賊犯京師急守卒缺餉理順詣朝房  
語諸執政急請帑衆唯唯理順太息歸捐家貲搗守  
城卒僚友問進退正色曰存亡視國尚須商酌即城  
陷理順與妻萬氏妾李氏子孝廉并婢僕數人闔門  
縊死羣盜多中州人聞其死入唁曰此吾鄉之劉狀  
元也居鄉多厚德何遽死羅拜號泣而去福王時贈  
詹事 本朝順治九年追諡文烈汪偉字叔度休寧  
人城陷偉語繼妻耿氏善撫幼子耿泣曰我獨不能  
從公死乎因以幼子屬其弟衣新衣上下縫引刀自  
刎不殊復投繯而死偉欣然曰是成吾志移其屍于  
堂援筆書于壁曰日講官翰林院檢討汪偉同繼妻  
耿氏死節處乃自經福王時贈少詹事 本朝順治  
九年追諡文毅申佳允字孔嘉永年人佳允出近畿

閔馬聞李自成破居庸關流涕曰京師必不守矣貽  
子涵光書曰吾受國恩當以死報城倡寇帶辭母策  
馬至王恭廠將投井從者持之下馬旁見灌畦巨井  
急躍入僕呼號欲出之佳允亦呼曰告太夫人有子  
作忠臣勿過傷也遂死福王時贈太僕少卿本朝  
順治九年追謚端愍吳甘來字受和江西新昌人帝  
嘗詰戶部餉額甘來曰臣科與戶曹表裏餉可按籍  
稽也臣所慮者兵聞賊而逃民見賊而喜恐非無餉  
之患而無民之患宜急輕賦稅收人心帝領之及聞  
變疾走皇城不得入返作絕命詞盡取疏草焚之曰  
賊寇縱橫徒揚議論無益毫末留之罪彌大正衣冠  
北向拜投繯死福王時贈太常卿本朝順治九年  
追謚莊介王章字漢臣武進人章與給事中光時亨  
守阜成門賊入城時亨要章走章厲聲曰事至此猶  
惜死耶時亨曰死此與士卒何別入朝訪上所在不  
獲則死死未晚也章從之與時亨並馬行俄賊哭至

疾呼下馬時亨倉皇下跪乞降章揚鞭不顧叱曰吾  
視軍御史也誰敢犯賊刺章股墮章罵賊不絕口賊  
怒攆梁刺殺章而去抵暮其僕覓屍猶一手據地坐  
張口怒目如叱賊狀福王時贈大理寺卿 本朝順  
治九年追謚節愍陳良謨字士亮鄞人良謨母老已  
未有子而妾時氏方娠乃謂之曰吾且死汝幸妊身  
急歸父母家時泣曰公殉國妾不當殉公耶倘不幸  
有他不如無子良謨曰能如是乎時乃先就縊時京  
師人年十八侍良謨才百三日耳時既死良謨望闕  
拜亦自縊福王時贈太僕卿 本朝順治九年追謚  
恭潔成德字元升霍州人城破不知帝所在帝皇廳  
事既起至午門見兵部尚書張縉彥自賊所出德以  
頭觸縉彥胷且詈之俄聞帝崩痛哭持雞酒奔奠梓  
宮前觸地流血賊露刃脅之不為動奠畢歸家有妹  
年方二十餘因家難未嫁德顧之曰我死汝何依妹  
請先死德稱善哭而視其縊繼室霍氏請繼之德痛

不及視入別其母哭盡哀出而自縊母見子女及子婦皆死亦投縊死闔門死難福王時贈光祿卿本朝順治九年追諡介愍許直字魯若如臯人賊薄都城約同官出資饗士為死守計及城陷傳帝南狩直將往從見賊騎塞道輒返曰四方兵戈駕將焉往已知帝崩一慟幾絕客以七十老父為解直曰不死辱及所生乃作書寄父賦絕命詩六章闔戶自經死福王時贈太僕卿本朝順治九年追諡忠愍金鉉字伯玉武進人鉉初開大同陷疏曰宣大京師北門大同陷則宣府危宣府危則大事去請急撤回中官杜勲專任巡撫朱之馮勲二心傾事而馮忠愍可屬大事不報及京城破慟哭急趨入朝見宮人狂奔出知帝已崩解牙牌北向四拜投金水河從者力挽之鉉怒奮臂躍入死母章妻王第餘並殉難死福王時贈太僕少卿本朝順治九年追諡忠潔衛時春諡六世孫掌後府京師陷懷鐵券闔門十七人皆赴井死

本朝順治九年追諡忠穆張慶臻騏之後掌都督府京師倡召親黨盡散貲財闔家自焚死

本朝順

治九年追諡忠毅鞏永固字洪圖宛平人尚樂安公主都城陷時公主已薨未塋永固以黃繩縛子女五人繫樞旁曰此帝甥不可污賊手舉劍自刎闔家焚死

本朝順治九年追諡忠烈劉文炳字洪筠宛平

人以孝純皇太后弟子嗣封侯太后帝生母也文炳素與太學生申湛然布衣黃尼麓講明忠義賊攻西直門勢益急尼麓踉蹌告文炳宜自為計時太后母瀛國太夫人尚在文炳與其母杜氏計太夫人為老不可俱燼請匿之湛然家杜氏曰太夫人得所我與若妻妹俱死耳外城陷文炳馳至崇文門殺賊數十人馳歸第母妻及其妹已俱縊死家人共焚樓火烈不得入至後園與叔繼祖俱投井死弟文耀守外城城破奔還覓文炳死所大書版井旁曰左都督劉文耀同兄文炳畢命報國處亦投井死闔門死者四十

二人而湛然以匿瀛國太夫人為賊拷掠終不言體  
糜爛以死 本朝順治九年追諡文炳忠恪乾隆四  
十一年追諡文耀烈愍黃尼麓中湛然亦俱宛平人  
趙謨雲南人巡視中城城陷罵賊被殺 本朝乾隆  
四年追諡忠愍劉宗嗣清苑人分守東城力不支先  
縊殺妻毛氏媳王氏及妹女城陷被執罵賊奪刀殺  
二賊為賊支解死 本朝乾隆四十一年追諡忠烈  
賀讚保定人總兵虎臣子賊薄京城迎擊為亂箭射  
死王鍾彥華亭人賊至守廣寧門守將開門納賊被  
執不屈死李若璉新城人分守崇文門城陷自縊死  
李遇知洋縣人城陷方自縊被賊執不屈死王家禎  
長垣人解職居家城陷賊兵據長垣家自經死子元  
玠從死顧國縉上海人聞城陷不食死何應瑞曹州  
人聞城陷不食死 本朝乾隆四十一年俱追諡忠  
節魏師貞魏縣人城陷服命服拜闕自焚死高鏗榆  
林人城陷闕門焚死尹洗安肅人守西城罵賊死周

之茂字如松麻城人需次都下賊搜得之迫使跪不  
屈折其臂而死張維綱清苑人守保定城及陷被執  
不屈死楊儒秀里系無考守城力戰死妻杜氏投水  
死張大同里系無考守城力戰死子之垣同死張力  
東明人里居聞城陷偕邑人殺所遣偽官為賊將所  
執不屈罵賊死本朝乾隆四十一年俱追謚烈愍  
許達允靈寶人尚書進五代孫城陷罵賊不屈死張  
凝和忻州人賊薄城分守北門及陷死節俞志虞新  
昌人城陷不食坐露地梓宮出東華門志虞往哭自  
縊于新昌會館陳純德零陵人巡撫山西力陳抽練  
弊城陷慟哭自經死甯承烈字養純大興人管太倉  
銀庫城陷自經于官廨范方同安人城陷被繫不屈  
死宋天顯華亭人城陷為賊所執逼書偽詔罵賊觸  
階死于騰雲大興人賊至語其妻曰我為朝臣汝亦  
命婦不可賊污並服命服自縊死方履泰全椒人南  
和伯一元子城陷自刎死李國祿豐城人城陷自縊

李若珪順天人作絕命詞自經死馬象乾順天人罷  
居里城陷率妻及子女五人死朱三樂賊陷大同死  
之呂應蛟保定右衛人守保定城城陷殺賊死文運  
昌劉洪恩戴世爵劉元靖呂九章呂一照俱保定人  
李一廣嶧縣人皆守保定城戰死張羅彥清苑人隨  
邵宗元守城城陷縊死韓東明安肅人守保定城城  
陷投井死彭士宏廬陵人城陷罵賊死王永隆遇變  
不食死蕭侶延安人以父蔭罷指揮職城陷死節葛  
凝秀平定人城陷北向哭投縊死寇可教應城人罵  
賊死楊會英寧鄉人城陷被執引頸就刃死李昌齡  
咸寧人被誣下獄賊入城日釋之不食死楊元大興  
人城陷與妻同縊死陳三提臨清人賊逼真定徐標  
被害三提投縊死李正光龍游人城陷闔門盡節劉  
繼祖海州人文炳之叔分守東安門城陷投井死馬  
國城靈壽人城陷殉節張權芳通州人城陷不屈死  
張三傑魏縣人被執不屈死張養所定興人世嚴順



天衛官城陷不屈死高甲順天人城陷同妻許氏媳  
王氏女高氏弟婦劉氏姪女高氏同縊死劉一松宛  
平人城陷與妻王氏自經死張國維湖口人被執不  
屈死陳貞達宜興人城陷罵賊死梁清宏順天人城  
陷不屈死徐兆任大興居家城陷與妻張氏及幼子  
同縊死施溥華亭人由順天經歷升任未行城陷仰  
藥死徐有度平湖人城陷罵賊遇害鄭寅同安人城  
陷不屈與二子皆死本朝乾隆四十一年俱追諡  
節愍姚成字考成餘姚人城陷自縊妻袁氏子逢元  
俱殉死本朝乾隆四十一年追予入祠湯文瓊  
字兆鰲石埭人聞變慟哭自殺書衣帶曰位非文丞  
相之位心則文丞相之心賊徒見者皆歎其忠後自  
成將其衣帶語以責陳演斬陳演于市其布衣盡節  
者又有范箴聽楊鉉李夢禔張世禧以下共一百四  
十餘人福王時贈文瓊中書舍人本朝乾隆四十  
一年追予文瓊等俱入祠楊崇猷六合人信之後

城陷自縊死 本朝乾隆四十一年追諡忠節李尊祖鐵嶺衛人成梁之孫城陷遇難張光祖永城人麟十四世孫城陷殉節鄧文明虹縣人寧河王愈十一世孫城陷殉節顧肇迹江都人夏國公成十一世孫城陷殉節宋裕德定遠人鄆國公瑛九世孫城陷殉節吳遵周遠陽人梁國公成八世孫城陷殉節薛濂膠州人鄭國公祿九世孫城陷死節吳汝徵涼州人郊國公允成七世孫城陷自縊 本朝乾隆四十一年俱追諡節愍王國興東平人熹宗母孝和太后弟昇之子 本朝乾隆四十一年追諡忠節劉岱陝州人以外戚世襲左都督城陷全家焚死 本朝乾隆四十一年追諡烈愍宮人魏氏城陷臨御河大呼曰有志者當自為計遂投河死頃刻間從死者一二百人宮人費氏自投井中賊鈎出見其容爭奪之費紹曰我長公主也辱賊不敢逼擁見自成自成命中官審視非足以賞部將羅某費復給羅曰我實天潢義

難苟合將軍宜擇吉成禮羅喜置酒極歡費懷利刃俟羅醉斷其喉立死因自呼曰我一弱女子殺一賊即亦足矣遂自刎自成聞大驚命收葬之

發明

明末甲申之變臨危授命捐軀殉難者實不乏人載在明史列傳及忠義傳彰彰可考其

時迎降闖賊之徒賊且以其委蛇誤國用者少而不用者多非予囚繫即加拷掠而諸君子成仁取義視死如歸即喪節者亦羨其得所福王時從逆以六等治罪而文武臣殉難亦間與謚入祠然而去取未公進退失實未足以風厲臣節如當時給事中顧鉉彭館御史馮垣登兵部員外郎鄭逢蘭行人謝于宣等皆為賊拷掠死或逼令縊死乃一例贈官而垣登于宣且至益以忠節既以南北阻絕無由核實而荒殘苟且轉致清混忠貞惟我

世祖章皇帝定鼎之初于大學士范景文以下二十人及

衛時春張慶臻輩永固劉文炳等俱邀

恩錫謚軫恤遺忠實為亘古曠典我

皇上紹述前徽廣揚義烈凡闕猷禍延甲申社覆俱核

實甄錄即我

朝天戈變伐抗我顏行者亦憫其忠于所事概許褒旌

恭讀

御製薩爾濟書事一篇我

太祖高皇帝

太宗文皇帝統勁旅數千破明兵二十萬明將如劉綎杜

松等亦憫其陷陣之孤忠至夫明室將傾如蔡懋

德周遇吉衛景瑗朱之馮等俱嘉其奮身殉難致

命慷慨

特命儒臣按事覈真分別定論卿尹光易名之典士庶

邀祖豆之馨示彰瘁于勝朝植綱常于萬古褒節

昭忠為從來所未有謹于莊烈帝死社稷之目類

書殉節諸人庶知當時覲顏降附者徒貽詬無窮

而惟此義烈可嘉且邀聞揚于身後益以欽  
聖人褒貶之大公所以昭褒貶于天下萬世者遠也

### 夏四月我

大清兵破李自成于山海關自成奔還京師僭帝號遂奔

### 山西

初吳三桂奉詔入援至山海關聞京師陷猶豫不進  
自成執其父襄令作書招之三桂欲降至灤州聞愛  
姬陳沅被劉宗敏掠去憤甚疾歸山海龍破賊將自  
成怒親部賊十餘萬執吳襄于軍東攻山海關以別  
將從一片石越關外三桂懼乞降于我

大清求共討賊遣將致書我睿親王其畧曰三桂以蚊  
負之身荷遼東重任今以寧遠右偏孤立之故令三  
桂棄寧遠而鎮山海思欲堅守東陲而鞏固京師也

不意流寇逆天犯關以彼狗偷烏合何能成事但京師人心不固奸黨開門納款先帝不幸九廟成燬今賊首僭稱尊號擄掠婦女財物罪惡已極天人共憤三桂受國厚恩欲興師問罪以慰人心奈京東地小兵力未集特泣血求助乞念亡國孤臣之言速選精兵三桂自率所部合兵以抵都門滅流寇于宮廷示大義于中國乞王轉奏時睿親王統兵次翁後得三桂書即遣使報之大畧言聞流寇攻陷京師明主慘亡不勝髮指用是率仁義之師沉舟破釜誓不返旌期必滅賊出民水火伯遣使致書深為喜悅遂統兵前進伯雖向守遼東與我為敵今亦毋因前故尚復懷疑若率衆來歸必封以故土晉為藩王國仇可報身家可保三桂復請速進兵遂疾馳至沙河三桂報賊已出邊立寨柵

大軍迎擊之敗賊將唐通于一片石至山海關三桂開關出迎我

大清令三桂兵繫白布為識使之先驅遂入關時賊兵二十萬皆多歷戰陣殊剽悍陣于關內自北山亘海大軍布陣不能橫及海岸乃令軍士鱗次布列對賊陣尾伺其氣衰奮擊之且戒勿越伍躁進違節制陣既列三桂居右翼之末先悉其衆搏戰圍開復合戰良久

大軍從三桂陣右突出衝賊中堅萬馬奔騰飛矢雨墮天大風沙石飛走擊賊如電自成方登高岡觀戰知為

大清兵急策馬下岡走賊衆大潰自相殘踏死者無算僵屍遍野溝水盡赤自成奔永平

大軍追之三桂先驅至永平自成殺吳襄走還京師時偽大學士牛金星為賊守京城諸降人往謁執門生禮甚恭金星曰訛言方起諸君宜簡出由是降者始懼多竄伏矣自成至悲鎔所拷索金及宮中帑藏瓦血鑄為餅每餅千金約數萬餅騾車載歸西安二十

九日丙戌自成僭帝號于武英殿退尊七代皆為帝  
后立妻高氏為皇后自成被冠冕列仗受朝金星代  
行郊天禮是夕焚宮殿及九門城樓詰旦挾太子二  
王西走而使偽將軍左光先谷可成為後衛自成勒  
諸璫悉取其金玉珠寶及出宮令羣賊各執守城白  
楊枝遶之不分貴賤皆號泣徒跣敗面流血走出京  
城門質實一片石在永平府撫寧縣東北山海關北  
外七十里有關城城東為九門水口有水分  
九道南下合為一流因名沙河在永平  
府遷安縣東三十五里即古小沮水

五月我

大清兵定京師

自成既西奔我

大軍所至諭以定亂安民共享太平之意百姓竄匿山



谷者悉還鄉里迎降恐後睿親王遂整兵入京師故  
明諸臣迎于五里外下令安輯百姓民間安堵如故  
命以禮改葬崇禎帝后建碑亭殿廡悉如典制並葬  
帝妃袁氏及公主並熹宗后張氏神宗妃劉氏皆如  
禮令民服喪三日尋議加諡  
曰莊烈愍皇帝陵曰思陵  
質實  
思陵在田貴妃寢  
園內莊烈帝與后

同葬公主一即長平公主一為昭仁公主帝斫死于  
昭仁殿熹宗后張氏祥符人莊烈帝上號曰懿安皇  
后至是自縊神宗妃劉氏初封昭妃天啟崇禎時  
嘗居慈寧宮掌太后璽莊烈帝事之如大母先薨

明史贊曰帝承神熹之後慨然有為即位之初沈  
機獨斷刈除奸逆天下想望治平惜乎大勢已傾  
積習難挽在廷則門戶糾紛疆場則將驕卒惰兵  
荒四告流寇蔓延遂至潰爛而莫可救可謂不幸  
也已然在位十有七年不邇聲色憂勤惕厲殫心  
治理臨朝浩歎慨然思得非常之材而用匪其人

益以債事乃復信任宦官布列要地舉措失當制  
置乖方祚訖運移身罹禍變豈非氣數使然哉迨  
至大命有歸妖氛盡掃而帝得加謚建陵典禮優  
厚是則

聖朝盛德度越千古亦可以知帝之蒙  
難而不辱其身為亡國之義烈矣

御定資治通鑑綱目三編卷三十九